

同安縣志

卷九十三

征撫壇廟
署廨驛傳
坊表災祥
寺古蹟現

同安縣志卷之九

征撫

邑之有警漢唐以前不可考矣宋紹興間賊窺西北城時朱子爲簿繕守備置射圃賊不能逼於是潰去厥後而元而明屢有寇盜竊發旋亦盪平我

朝自鄭克塽歸順以來百數十年民安耕鑿白首不見干戈爰舉當年之軍興旁午以著於編俾後之泣茲土者有備而無患焉志征撫

宋紹興二十七年夏有警主簿朱熹與監稅曹沆完

守郤之

時賊窺西比城熹等繕守備而置射圃焉賊不能逼尋亦潰去

元至正十年賊掠海濱監郡僕王立俘其魁

十四年安溪山賊李大陷同安

十六年李大復攻城監邑馬哈謀沙拒郤之

賊攻西門謀沙

悉簡精銳分二屯戰郤之

十七年伊守禮叛攻同安馬哈謀沙戰走之

守禮與萬戶賽

甫丁叛據泉州遣其黨十餘人入同魯謀沙與俱謀沙盡殺之守禮率驍勇千餘來攻謀沙戰走之

明正統十三年正月沙尤賊入積善里里人劉雄率

義兵拒戰死之

賊寇漳知同無備自積善縣雄糾甲中鄉兵伏隘擊之賊倉卒遁

縣守亦匿賊志復至雄與義漢八人戰死

十四年沙尤寇陳敬德陷同安邑人葉秉乾率義兵

進戰寇敗走

海寇張秉彝攻中左高浦二所秉乾督義兵拒戰死

之元年賊眾二百餘艘攻所甚急秉乾自縣督鄉兵救之斬獲頗多賊邀于豪山而覆之秉乾戰死

嘉靖二十六年丁未十月晦安溪峒賊陳日輝掠同

安抵郭門外分巡僉事余爌追擊平之

日輝聚黨據安溪覆

鼎山大小尖白葉坂諸峒不時出掠至是徑追同安郭外劫質男女挾贖屯二十里外弗去曠巡縣聞賊發兵追擊親搗其穴平之

二十七年海寇阮其寶掠小嶝知府程秀民遣兵討

平之

其寶與林翦毛等十八種積年為海濱患四月其寶大掠小嶝死與被執者二百餘人小

嶝遂墟五月秀民合戰艦遣南安丞馬一洪指揮孫廷槐進勦戰于小嶝南岸斬獲三千人賊退保草嶼嶼崩賊潰官軍

合圍擊之殺其寶

三十六年倭泊浯嶼掠同安

倭乃日本種類區有七十二島即今東洋之地

其寇泉州自洪武三年始寇同安是年始

三十七年倭泊浯嶼火其寨五月倭攻縣城知縣徐

宗奭拒卻之賊自安平來攻焚掠郭外民居薄城

高三尺

二十八年夏倭攻城指揮白震同知李時芳教官吳

金固守城藉以完

時久雨城圯賊乘圯來攻時芳令植木柵捍蔽金率諸生與鄉

紳分門死守賊不得入復焚掠郭外民居而去

五月倭掠大登

大登民保於虎頭寨賊破寨殺戮蹂躪備極毒苦

三十九年三月倭大掠浯洲知縣譚維鼎率民兵卻

之

嘉靖丁未始置浙閩總督議於料羅設戰船二十餘隻哨守至是料羅指揮王鼇徑移舟避於

廈島漳賊林三顯等知之三月二十三日結倭酋阿士機等自料羅登岸掠十七都二十八日據平

林掠十八都四月初二日攻陽翟陽翟合社與戰
敗於是諸鄉相率竄于官澳巡司城男女萬餘人
賊黨復大至相守不能出乃推楊克紹爲首掄壯
士四千人與戰而城高無水人氣鬱蒸衆渴且倦
遂於初九夜潰圍出出者甫二百人賊縱火屠城
積尸幾與城埒城外亦復縱橫一二里許婦女相
繫而自浮於海者無數賊四散飽掠前後死者凡
萬餘人鄉社爲墟復攻后浦時后浦築城未就列
柵固守前已未冬譚維鼎泣同令民練鄉兵自衛
旬月之間築堡百有三座結社百有六十用以相
助守望及聞涇洲殘毀乃率鄉兵載火具浮海赴
援賊一再攻城與戰皆捷獲倭酋阿士機尾安噠
等七人賊始奔軼於
湖下諸鄉劫殺而去

冬十月倭掠縣東濱海

鄉人多竄保於香山雀髻之
間山寨無水不守被殺殆盡

惟東園墓林
頭有堡獲全

四十年正月倭掠同安民兵戰走之

夏六月倭黨馬三岱掠東界維鼎率民兵敗寇於三

魁出米巖下

時賊合黨數萬環匝晉南三岱自南來侵維鼎出鄉兵戰於三魁出米巖

之間斬獲無數
三岱僅以身免

十二月倭寇同安攻南城維鼎戰卻之

是年諸賊出沒同安者各

擁衆數千維鼎自夏迄秋斬饒賊張良朋土賊葉子溢葉宗愛撫賊首蘇任賢林三顯鼇山大黃大壯等三顯復謀破賊黨楊三仔自殺鼇山大壯謀叛事覺伏誅并斬其黨吳用聘鄭大果王子琪等境內底平獨馬三岱驍絕負固懷之不至維鼎聞三岱之母與妻不義所為乃致而厚款之使招三岱岱遂有降意冬十月鄉兵病疫原屯晉南倭賊乘虛集衆二萬人寇於是三岱旦日適降而賊暮攻

南關眾洶懼三代率所部戰甚力賊駭退復攻石
澗諸生李聖機結社嚴守仍遣三代赴援賊驚退
維鼎多方勦捕擒倭新三俘
老太老白等餘黨遁還晉南

四十一年白礁寨民王出彙倡亂維鼎攻捕殲其魁

出彙據寨叛維鼎提兵攻捕寨民共縛出彙及左
右威武將軍林翠鋒等五人以獻餘撫散罔治

隆慶三年四月倭入同安指揮張奇峯盡擒其黨泉

州各縣俱平

倭二百餘人入界參將王如龍等戰
敗指揮張奇峯襲破斬俘無遺倭始

絕跡

天啓六年海寇鄭芝龍攻中左督帥俞咨臯出戰弗

克芝龍入據之

芝龍小名一官字飛黃南安石井
人落魄無賴嘗亡命日本娶倭婦

生子森即成功也芝龍復去為盜與顏思齊等闢臺灣地思齊死眾推為魁劫掠閩廣之間至是據島勒沿海富民助餉為之報水

崇禎元年九月芝龍自島降於督帥熊文燦

芝龍與其黨衷

紀劉香等不協泉守王饒遣人招諭遂殺表紀請降以征生黎逐荷蘭功遷都督時海上盜所在蓬起洋泊非鄭氏令不行上至吳淞下至閩廣富民報水如故歲入例金千萬自築城於安平擁重兵專制瀕海我朝順治二年其弟鴻逵與黃道周迎唐王入閩建號福州加芝龍太師二年秋大

師入閩芝龍投誠貝勒王送至京師十年八年以成功負固不服誅芝龍於柴市

一年海寇李魁奇陷後浦

賊泊浯洲攻後浦城陷死者百餘人大掠聯艘而去

國朝順治元年鄭彩鄭聯據金廈二島

彩聯皆芝龍之族也彩自

島移海壇徵派鄉民不服彩攻之

被誘深入失兵無數退回廈門

四年鄭成功入寇泊舟鼓浪嶼

成功原名森芝龍子讀書穎敏少補南安

學廩生有儀容進見唐王王曰惜無一女配卿賜

姓朱名成功自是中外稱國姓云芝龍既降令招

成功不至成功攜所著儒巾赴文廟焚之與施琅

陳輝洪旭等九十餘人掉小舟泊同安鼓浪嶼當

在嶼時方苦無資適有日本船來詢之即鄭僕也

成功命出資佐軍僕辭以未得主母命成功立斬

之招兵製械收兵南澳得數千人自稱忠孝伯

大將軍至是復泊鼓浪嶼成功入寇自此始

八月成功自島與鴻逵寇泉州

五年三月成功據同安

成功自九都寇縣九都民偕守將拒戰於店頭山潰進迫

縣城守將王彪折光秋知縣張劾齡棄城遁成功入據之以葉翼雲為偽知縣陳鼎為教諭復攻泉

州

八月復同安

佟國器陳錦李率泰援至成功入島以邱縉林壯猷守官軍攻破殺偽官守

天年秋成功并鄭聯軍遂據金廈

時鴻達據潮之揭陽成功常與會兵

寂潮聯在廈事遊宴其黨多暴成功自揭陽以中秋抵廈鄭彩見成功軍容藉盛欲移軍出避聯方醉萬石巖成功見聯曰兄能以一軍見假乎聯未對諸執銳者前唯唯命於是成功麾軍過聯船未幾邀聯遊萬石巖割之

八年二月官軍入島復棄之

成功率眾而南屯于平海鴻達自揭陽回島未

至巡撫張學聖按泉知之調馬得功自五通取廈克之前尚書工部郎曾櫻自縊死繼而鴻達成功

繼至四月得

功引兵還

施琅歸自島

現在島爲左先鋒以殺犯法者忤成功意成功索殺之不得遂戮其父與弟琅

歸

本朝平臺

之業肇於此焉

十一月提督楊名高與成功戰於小盈嶺不克

九年總督陳錦駐同安攻廈島不克而還

是年成功大寇漳州

屬邑俱陷三月陳錦赴援敗于江東

遂圍府城城中死者七十餘萬人

十年五月固山金礪與成功大戰於廈門

往年漳州被圍十月

固山以萬騎赴援大破成功於古縣賊退保海澄入島餘邑俱復至是大戰于廈乘勝攻海澄不克

而還

十一月遣芝龍招撫成功拒命

十二月成功據同安

成功寇漳州劉國軒開門納之十邑俱陷乘勝掠泉州屬邑皆

下獨泉帥韓尚亮固守時島兵驟熾分水陸為七十二鎮改中左為思明州立館局設偽官職焉

十二年六月墮同安城

世子王大兵入閩成功度勢不守乃墮漳州安平惠安

南安諸城毀同安城及官署民居運入泗州築城而據之

十三年正月復同安

世子王大兵略沿海州城成功入島黃梧以海澄歸海澄廈

之犄角漳之門戶而成功之所以射軍實也自是不得南侵乃謀北寇

陳霸據泗洲劫掠

霸沿海勒餉燒毀房屋夜則縱橫郭外劫掠男女異刑迫贖溫飽之

家光藏身無地康熙二年破島始平

十五年秋成功自島悉眾入寇金陵

成功年來比寇福州福寧溫台

等處至皆被害至是謀寇江南戈船八千號兵數十萬沿海攻陷樂清等縣

十六年十月成功自金陵敗績八島七月成功陷瓜州及鎮江據之

屬邑皆下八月寇金陵圍之副將梁化鳳穴城出

兵襲破其前鋒列陣大戰出奇夾擊成功敗績驍

將甘輝萬禮等皆死精銳徒卒十存一二遂棄瓜鎮遁歸廣島

十七年五月甲子官軍勦島敗於高崎將軍途素總督李率泰會

勦兩島大船出漳州小船出同安成功自扼海門

以遏漳港令陳鵬守高崎以禦同安陳鵬約降按

兵官軍近岸涉水爭先其部陳蟒不與謀揮兵奮

擊官軍陷於淖死者十七八首領哈喇士昂止焉

是日自漳出者戰於海門亦敗績

十八年九月遷海居民先是原任知府房星華降

賊歸使其弟星曜上言

海賦皆從海濱取餉若空許下海則賊無食而自散

土而徙其民寸板不是上白山東下至廣

東皆遷徙築垣為界撥兵戍守

十八年成功自島取臺灣

臺灣自思齊芝龍後為荷蘭所據成功勢孤謀奔絕

域乃自澎湖入鹿耳門攻奔蘭走之號曰東都居焉留子經守廈

康熙元年五月成功死子經台廈入臺偽襲

二年十月官軍大蒐兩島墟其地而還

時會兵勦島耿繼茂李率

泰合紅夷舟出泉州馬得功出同安施琅黃梧出漳州與偽將周全斌大戰於浯嶼烏沙得功被圍死之全斌敗走銅山官軍入島墮其城遷其民於界內而還

十三年三月耿精忠叛取同安

精忠靖南王繼茂子襲父節陰蓄異志內

與巡撫劉秉政相結外與逆藩吳三桂尚之孝為
援康熙十三年三月十五日謀反召總督范承謨
入見囚之傳檄七閩邵縣俱下時泉州提督
王進功奉檄縱諸將焚掠同安遂不能守

五月鄭經入廈島盡取同安地

耿精忠之叛也先遣黃鏞入臺結援四月

鄭經使偽禮官柯平入福州通息又使劉國軒何
祐至廈自率兵繼之趙得勝以海澄款經馮錫範
取同安守將張學堯降于是耿鄭交訖

十六年二月官軍復同安

十三年鄭經五月入廈六月即據泉州十四年據潮

州陷漳州海澄公黃芳度死之十五年據惠州興
化汀州邵武是年九月和碩康親王入閩精忠降

官軍諸路以次恢復

四月白巾賊蔡寅劫掠各村堡總兵黃藍會剿搗其

穴寅左道惑衆初伏芋溪橋捨殺過路官兵餉銀
遂屯芋溪至數千人西界居民咸被其害又移
駐雪山山地方黃藍會勦令鄉兵毀具
寨追至仙人碁下大敗之寅遁入海

十七年六月劉國軒據同安

二月國軒寇漳州官軍戰屢敗遂取平和漳平

陷海澄提督段應舉總兵黃藍死之國軒乘勝取長泰攻同安都統雅大里逃歸泉州國軒據之

八月復同安

國軒既取同安七月圍泉州屬邑俱下斷江東萬安二橋以遏救兵學士李光

地以鄉兵導官兵閒道赴援于是噶寧海賴平南由安溪取同安國軒還漳築十九寨而守之總督姚啓聖督諸軍與國軒大戰於長泰西溪國軒敗績入果堂寨

十八年紅巾山賊劫掠北界

山賊數千裹紅巾爲號由安溪入據縣北諸山

頭沿鄉索餉焚劫擄掠

官軍民壯共擊走之

十九年春提督萬正色破金廈經遁臺灣

自國軒敗後啓聖築

修來館於漳州不愛官爵銀幣降者皆恣其所欲
于是豪猾望風爭款是年正月正色會舟師伐島
巡撫吳興祚以陸師駐於崇武應援正色與僞襲
朱天貴等戰海壇南日崇武等處皆捷進扼料羅
國軒自漳還島啓聖虛破十九寨復海澄正色
入島經走臺灣二十年經死十臺子克賊僞襲
以國軒守澎湖二十二年六月增海將軍施琅破
澎湖國軒遁歸遂以克賊請降故寧靖王未術桂
闔家自縊死八月大師
入臺受降置一府三縣

同安縣志卷之九終

同安縣志卷之十

壇廟

聖人以神道設教凡有功德於民者斯享其報
記曰能禦大災則祀之能捍大患則祀之同邑
山川百神設壇立廟由來已久他如聲靈赫濯
護國家庇人民亦所當敬非此族也不在祀典

志壇廟

社稷壇在縣治朝元門外明洪武元年建高三尺四
寸陛三級北向縱橫各二十二丈八尺繚以垣由

北門入石主埋於壇南去壇二丈五尺正統十四年燬於寇成化戊戌知縣張遜重建官廳三門前樓三閒走廊六閒齋所神廚三閒神庫三閒旁屋三閒內外垣凡一百三十丈後復壞正德元年知縣李彰重建等燬於寇知縣譚維鼎重建齋房三閒國朝仍壞雍正十年勅修建官廳一所於北

山川壇在縣治豐澤門外明洪武元年建南向四方各二十二丈八尺制與社稷同但門由南入不用石主正統閒燬於寇成化戊戌知縣張遜重建後

復廢正德元年知縣李彰重建又廢 國朝雍正

十年 勅修

先農壇在縣治東郊 國朝雍正五年 勅建壇制

累石爲之高二尺寬二丈五尺壇正北室中奉先
農神牌外繚以垣門南向藉田四畝九分八蠟不
別爲壇雍正十一年 詔有司歲于二月上戊日
致祭先嗇司嗇居正位東上餘六神稍後一尺分
設左右卽先農壇祀之

邑厲壇在縣治拱秀門外創建年月無可考壇制直

十二丈橫七丈二尺明成化戊戌知縣張遜重建
門樓一間官廳二間神廚三間正德元年知縣李
彰繚以周垣尋廢後復修葺 國朝屢有廢興今
僅存壇址餘地皆爲民居

里社鄉厲壇明舊制每里一百戶內立壇一所以祀
土穀之神立壇一所以祭無祀鬼神今俱廢

城隍廟在東市參將署左宋時卽有祀典明洪武二
年封顯佑伯初廟在城北嘉靖末邑令徐宗奭白
城北移建今所天啓甲子令李燦然重修 國朝

乾隆間令周岱明新復相繼修葺

關帝廟在縣前街原北向明知縣鮑際明稍加宏拓
後海氛墮城廟廢復改東向堪輿家謂不利於縣

署雍正初攝縣事郎文燁仍改北向
各里有關廟俱不復載祇

載此廟以昭祀典

天后宮在縣城朱紫門左

蔡驥良天后宮記邑之有鎮神也城隍爲之主而保

障一方不能無捍禦之助則東西朔南各有神以司之如天后者同之南關鎮鑰也舊祀於城之南樓雖祀典弗載而邑之人咸尸祝焉蓋聲靈之赫譽由來尚矣而所最著者如前代戊午之禦侮國初戊子之解圍則不特錫福於民而且豎勲於國與祀典之所謂禦災捍患者何多讓焉日以海

氛同之城圯而樓俱廢神弗獲栖遷於邑外雙溪之南雖保障如故而于鎖鑰之司當扼要地則際諸海晏河清之日金湯倍昔而不迎天后之駕旋歸舊籍可乎哉惟神實取其衷而都人士乃更謀所以迓神庥而壯廟宇者卜地鳩工僉呈邑宰而明余序之竊撫世之盛也川嶽効靈百神受職云后者莆之處女也生而靈異世傳其機上假寐能行精氣拯其父於波濤洶湧之際是處女而孝子也古者求忠臣必於孝子之門則其歿爲明神而庇民護國爲一方之保障又奚疑焉我朝崇德報功猶褒美而寵異之苟其此都人士檀樾有主則凡膺民社之寄者其孰不如出一手以襄事而凡生聚教誨於斯土者又孰不踴躍赴功而惜此陀那鉢底物哉南關舊鎮神式臨之是爲序

東嶽行宮在縣東三里官道北唐薛令之建明成化

丙申知縣張遜重建萬歷壬子知縣李春開重修

蘇公祠在文廟之右宋紹興中朱子簿同時始建於
教思堂後歷元明孔張諸邑令俱經重興改建皆
在明倫堂左之前後嘉靖初祠像蕪沒巡按蘇信
命郡推譚鎧建於今所 國朝康熙三十七年火
災祠廢雍正九年仍復乾隆閒重修互見學校

朱子祠在學宮之左宋嘉定閒邑令毛當時始建比
元而廢至正十年令孔公俊擇學東偏重建復毀
於寇明洪武七年邑令呂復於學西建 聖殿殿
西建祠後尋廢正德閒令趙汝弼又就毛當時舊

址重建 國朝海氛傾廢康熙元年教諭陳輝祖

復捐構雍正末圯於水合唐孝木重修乾隆五十

八年紳士高以彰童浚德楊宗潮倡脩互見學校

忠義節孝二祠在名宦鄉賢二祠西北 國朝雍正

四年 勅建乾隆三十二年重修互見學校

馬明王廟在小西門內演武廳左與關帝火神同祀

國朝乾隆六年參將董欽知縣周岱建

真君廟在東嶽行宮左祀白礁吳本

顏蘭吳真君記
吳真人者諱本

同之白礁人也其先人世積厥德聖父諱通協成
元君聖母玉華大增脩前媿馨聞上脩宋大平

與國已卯三月十四夜聖母將婉夢長素道人五
老慶誕二台列精南陵使者北斗星君護童子至
寢門內曰是紫薇神人也越辰誕公公生而穎異
有慈婆惻世之心年十七遊名山遇異人泛槎水
中招公同往公欣然登舟聽其所之忽見高峯亭
峙風景異常乃崑崙也公攝衣陟絕頂見西王母
留宿七日授以神力濟世驅魔逐邪之術歸倏然
至家遂覺悟脩真不受室不縻爵說法雲遊天下
過桑林見一白骨檢之失左腿以柳枝代之呪水
化之成形起立泣尋其主公收爲童子從公遊途
逢同安知縣江儒官見而怪曰是吾僕也向謂死
於虎矣猶幸存乎公告以故儒官訝之白於大吏
亦疑其荒唐詰公曰子能活之果能實之乎公起
呪水化之童子仆地仍爲白骨僊官感而信之欲
解綬於主簿張聖者以從公聖者詢知其故悟曰
天下有此神人吾輩尙好爵沉溺凡緣乎乃同棄
官從公於白礁結草茅日講道學法怡如也公既
得二人從者日衆有黃醫官程真人鄞仙姑者亦

隨公雲遊煉丹救世凡諸疾病雖極沉痾奇形無
不立效仁宗明道元年漳泉旱民艱於食公毅然
豎旗約以十日內挽米舟賑救屆期舟果至公隨
人給之貧者不計其值二郡聞公義舉紛沓叢至
日有百千人公願力廣大遣神人多挽米舟以給
闕月不匱二年漳泉又苦瘡虐有蜚尸魔王率一
千四百鬼衆行瘟公與僊官聖者召神兵逐鬼驅
雷擊死魔王呪水甦民活者不可勝計景祐六年
五月初二日公自白礁偕聖父聖母及聖妹吳明
媽妹夫王舍人白日昇天雞犬皆從鄉人見之列
香案以送公既登上界猶以凡閒氛塵未淨監觀
不忘屢有寇賊侵境水旱疾疫所禱必應高宗久
質於金思歸中原夜步月至崔子廟不得馬慮其
難脫聞廊下馬嘶遂乘去至江金將追之將及高
宗仰天祝焉忽見神兵沮禦露旛擁護高宗乃知
其爲公紹興二十年頒誥立廟祀公於白礁蓋公
之祖廟也明太祖陳友諒戰於鄱陽湖颶風大作
友諒練舟流壓太祖戰比舟將沒見公在雲間旗

潘森布天遂反風回浪太祖得安及卽位感公之
德洪武五年勅封旻天御史醫靈真君永樂太后
患乳疾甚劇醫治不痊洪熙太子榜求名醫公化
爲道士詣闕視疾太子問姓名與地公以實告白
於太后太后羞見公公口但於門外懸線診之可
矣太后密令侍婢繫線於貓公診之曰非熊非羆
乃貓兒也后又令繫門圈中公曰是金木性非人
脈也太后驚悟乃繫於乳公曰此乳疾也非灸不
瘳太后不肯公曰但於屏外懸線灸之可矣從之
遂愈太子喜以金謝公不受欲爵之乘白鶴而去
太子知爲神醫爰加封爲萬壽無極保生大帝
按莊夏慈濟宮碑言其卒於家故仙釋傳仍之惟
此言其白日飛昇姑
兩存其說以俟攷

北鎮廟舊在縣治後巷北祀真武神明嘉靖閒城北
廟廢邑紳李春芳捐地改建於此萬歷癸未神見

夢於邑令倪凍於是里人李蘇二姓各捨宅旁地
開拓重建 國朝康熙雍正乾隆閒遞加脩葺
西鎮廟在縣西安橋之右前有亭

同山五顯廟在縣太師橋東里餘爲邑東鎮明萬歷
壬午年邑人陳以廉等重建左天后廟右觀音庵
昭應廟在龍岷村爲邑南鎮有穴深不可測相傳有
龍起於中宋乾道三年賜額明景泰癸酉年王簿
蔡遴捐俸令耆民陳孔贊重建

外比鎮廣利廟在北辰山唐末建宋熙寧八年封靜

應侯宣和七年封威顯隆慶元年加封昭護淳熙
十一年加封廣利嘉定三年加封靈佑
寶應二年
加封顯濟紹定二年以卻寇加封忠仁朱文公嘗
與同僚謁奠卽事賦詩於此

外東鎮廟在民安里十都乍畫山今廢

外西鎮廟在北辰山今廢

外南鎮廟在縣西南西安橋今廢

牧馬王廟作馬牧王廟在浯洲翔風里其神姓陳名
淵唐貞元閒爲閩馬監馬大蕃息後歿鄉人祀之

能顯靈爲民禦災捍患

勅封福祐聖侯賜廟額

李濟

豪山廟在縣南仁德里馬鞍山麓宋主簿朱熹郡守

真德秀先後禱雨皆有應又常顯靈禦寇崇寧閒

建廟淳熙嘉定咸淳相繼修明成化丙申夏旱知

縣張遜禱之廿兩立至重修其廟尋復廢沒里人

又葺

宋王明叟豪山廟碑記祭法山林川谷能出雲爲風雨見怪物皆曰神又曰能禦大災則

祀之能禦大患則祀之非此族也不在祀典同安

縣東南二十餘里曰豪嶺嶺最遠又南一里曰豪

山山最遠而大其神必靈山之巔有龍潭天將雨龍擊水聲如鐘磬時有蟹五色出潭傍山之麓故

有龍在陽禱輒應崇寧二年詔天下名山大川在
功于民者聽所在縣邑立廟攝令趙君文仲奉詔
書始令三都立剝度材鳩工廟成以象山初朱
文公主邑簿嘗詣祠禱雨立至淳熙十一年春夏
旱令鄭侯公顯祭於潭是夕雷電交作俄大雨霑
紹定癸巳四月不雨西山真公遣吏謁其詞曰豪
山有潭神龍宅焉昔在淳熙有令嘗禱雨於是隨
獲甘霖屬在旱暵宜抗忱請德秀以誠籲之秀弗
克躬造而命官往焉謹拜於庭爰致悃悃伏願油
然而雲興沛然而雨霑以彰我龍君之神靈越二
日雨明年端平甲午六月不雨守竹湖李公修真
公故事未幾大雨遣吏謁謝如初其詞曰近遣屬
吏款謁龍潭興雲致雨隨禱隨應龍之靈至矣哉
所謂能出雲爲風雨見怪物者非與豪嶺苧溪閒
林薄陰翳虎豹所穴民有王姓者父子同時爲虎
所傷號訴於神募善射者一命中之迄今無虎患
先是秋疫熾病者十室六七夏蝗蔽天食苗幾赭
獨近廟數十里人無札瘡蝗不害稼白桐嶺與漳

接蹤繼出以常紹興庚寅陳三搶掠永春撤德
化遂掀長泰距境纔二十里居民賴神以安所謂
能禦災捍患者非與此於法宜在祀典廟建於崇
寧癸未淳熙戊申新之修于嘉定甲申咸淳丙寅
重修之前殿巍巍寢殿奕奕三門崇崇眎舊加倍
於是瑞應等請書其事明叟爲諸侯得祭其境內
之山川故請於令尹陳侯請以其事上之部使者
而聞于朝以昭神之功烈是役捐金倡之者某官
謝某某官康某將仕郎趙某董其事者鄭瑞應林
元煥楊文強既竣事合樂以落成之乃歌而侑之
歌曰龍之居兮山之湫湫之水兮幽幽遲龍君兮
未來嗟愁予兮悠悠龍之來兮山下挾風雷兮驅
雨神功兮無蹟田多稼兮原多黍驅癘鬼兮山阿
蝗不入境兮虎渡河牛羊兮滿野戴白兮不識干
戈新宮兮孔碩湛清醑兮瑤席
神欣欣兮忘歸庇我民兮罔極

靈

感廟在縣東南二十餘里宋淳祐中賜額鄉有水

旱疾疫禱之輒應

慈濟宮在縣西南積善里之白礁其神姓吳名本故居於此以醫灸濟人明驗如神及卒鄉人祀之水旱灾禳與凡禍患禱無不應宋乾道二年賜額慈濟淳祐元年改賜慈濟宮十五年封顯佑真人保佑五年封守道真人加封廣惠景定五年封福善真人咸淳二年封孚惠真人德祐元年封普祐真人若明初勅立廟於京師永樂七年封萬壽無極大帝廿二年封保生大帝其事蹟已詳見真君廟

三忠宮在縣東洪塘上七里大道之旁祀宋文天祥
陸秀夫張世傑蓋張陸二先生過此而文丞相後
駐霞漳故彙祀之後爲營兵牧馬蹂躪殆盡 國

朝康熙癸巳知縣朱奇珍捐俸建屋二椽延僧奉
香火仍蠲其地保夫額以充祠費

東山廟在感化里山兜保文公堤下距城北二里許
明宏治癸未邑令李彰建以祀護國尊王

義娘廟在東嶽高文嶺上義娘鷺人也

觚臙作王氏
同文集作侯

氏順治時爲寇所掠給騎士躍入井騎士怒發矢

中其肩而去越數年有村民蘇姓夢義娘訴狀遂
求之井得屍拔箭殞於井側復夢義娘乞香火於
此因爲立廟時有病者得井水飲卽愈自後有禱
輒應鄉人肖像祀之前陞令周岱張荃相繼建修
延福堂在從順里瑤江村距城南七里許明里人戶
部郎中林挺倡建崇祀真武時顯靈異庇護居民
相傳海中舟楫顛危時向北呼之則有光如炬船
藉以安 國朝順治十三年海賊陳霸竊據丙洲
內地居民皆被擄掠屢欲至村行劫未入境卽見

有旌幟招搖及人馬辟易聲賊疑有備輒望風引去乃知爲神佑康熙初靖海侯施琅初征臺時曾宿於廟馬穢污其宮是夜馬足高懸號鳴不止琅屢懇乃寧因默禱師行得捷願更新廟宇後凱旋捐俸重建康熙四十四年左都督阮欽復捐俸修葺乾隆二十一年廟將就圯里人葉仰高募衆重修癸未冬復與陳方璇倡建文昌祠於廟之右廡上帝廟在草仔安祀元武帝稱曰水長上帝人祈禱者于潮生時卽應退則否故稱靈異

風神廟在廈門港玉沙雍正時勅建祀風伯之神
祖婆廟在廈門中營守備署邊祀武烈王

大使宮在塔仔街旁有石塔鐫泉南佛國四字其地
明時爲海濱渡頭水至其下相傳其神爲水所淫
來至此不去父老因相與立廟祀之卽唐之張巡
許遠是也

萬壽宮在後崎尾明時所建祀天后真人二神

龍湫亭在廈廿一都離城二十餘里祀觀音大士靈
應異常廟前有竇名龍湫

媽祖宮在東澳社祀天后三月中鄉例慶天后誕先
數日廈之諸廟必造其地名曰請香

上宮在廈島西門外祀天后 國朝將軍施琅平臺
時禱神默相後軍中乏水祝之得泉凱旋捐俸勸
募重建

觀音亭在廈島西門外祀觀音遷界後廟廢神託夢
里人現毫光於其地因重建焉靈應異於他神

福壽宮在打鐵路頭左邊祀吳真人并天后二神卽

福山社

和鳳宮在鳳皇山下島美路頭街後祀吳真人并天

后二神卽和鳳社

懷德宮在石埕街頭祀天后真人二神卽懷德社

水仙宮在望高石下明建祀大禹伍員屈原項羽魯

班乾隆三十年里人捐一千五百金重修董事葉

德芳陳斐章秦靖國鄭國珍王振珪楊朝佐陳鴻

士葉高攀周高光許名揚陳時佐石日暉黃名香

國朝陳邁倫水仙宮詩鷺門禹廟落成初勝景
層開接太虛斜磴人來懸壁上危亭目極大荒餘
近城煙雨千家市繞岸風檣百貨居
澤國久無寧火警一聲長嘯海天舒

鳳山廟在安仁十五都鳳山距縣五十里相傳明時
設驛有四川灌江口人爲丞於此奉一二郎神爐
并一獵犬後丞歿遭兵驛廢神爐棄道旁犬戀戀
不離爐側忽一日銜爐到鳳山臥守不去鄉人異
之爲築小菴於其地以奉香火犬乃不知所之後
屢著靈驗鄉人鳩衆建廟不知其像神現夢於耆
老曰明日某時有官過此卽予像也至期果有世
職指揮大使過其地少年美儀容遂塑像肖之呼
爲大使公後增塑二使三使像於左右獵犬亦塑

香案下

通利廟在民安里馬家巷距縣三十里朱子簿同禱
過此日五百年後必爲通利之所里人因此建廟
故名廟地舊爲葉道士檀樾鄉里雕其像於堂左
祀之甚靈俗呼翁祖

姑谷賦此曹為藥世士實為准且

歐此曰五百平好必為歐味之視里人因此藝前

歐味禱玉貝安里認寒巷里細三十里水于歐同類

香案下

寺觀

自佛老之教行天下名山多爲巖寺同安依川
跨海名勝較多梵天禪寺洵邑內之巨觀始有
庵七十二後合爲一區朱子泣茲土嘗遊咏其
閒畱題刻石於今猶在其他化爲邱墟者勿論
矣有存焉者真足供騷人之憑眺匪第琳宮紺
宇徒侈觀瞻已也志寺觀

朝元觀在縣朝元門外俗呼小西門宋嘉熙閒建元
至正甲午兵燬明洪武五年壬子道士陳一寧仍

故址建玉皇殿壬戌林嗣真建三清殿戊辰顧惠
實建元壇宮永樂癸巳道會施道明建法壇戊戌
夏邑令括蒼劉某禱雨於觀而應遂募衆重修巳
亥冬邑令王某與道明共捐巳貲卒其事嘉靖十
九年庚子重修 國朝乾隆丁卯邑令張荃募衆
修葺今此觀漸就傾圮前後左右觀地多被附近
居民侵佔

梵天寺在縣北大輪山創隋唐間名興教寺有庵七
十二所宋熙寧中合爲一區改名梵天禪寺宋文

公爲題其法堂門曰神光不昧萬古徽猷入此門
來莫存知解元至正甲午山寇竊發燬于火明洪
武十年丁巳僧無爲重建 國朝寺頗傾圯僧實

韜元芳等亦相繼修葺

宋朱子書寢堂詩翰盡王租生理微老僧行乞暮還

歸空山日落無鐘鼓惟有虛堂蝙蝠飛 國朝未
奇珍登高詩公餘節日漫登高向人地因緣快一遭秋意
已爲山點綴草根難藉石堅牢偶行靜室香畱住乞
得君醪醉不逃白髮在前兒侍側把茗焉用客心勞

梅山寺在縣東里許同山之原建自隋明邑紳劉存
業指地廣基陳以廉倡修 國朝順治閒劉霖任

繼葺乾隆閒知縣李芬明新鄒召南相繼捐倡鄉

者李敬陳賢劉運佳林仕楊等募化重修又於其
左建朱子祠并小屋數椽爲士子會文之所

天興寺在縣東佛子岡隋赤菴田黃氏女結庵修行
坐化于此後人卽其地建寺舊名黃佛寺南唐保
大中改天興宋治平二年改鹿苑元泰定間重建
復名天興明洪武永樂宏治間僧志和戒熙重修
後廢 國朝里民再建一座於天興城東門內乾
隆甲申署縣徐熊占重新

妙建庵在西安橋南與水南宮元壇宮爲宮司往來

憩息之所

西山巖寺在天龍山長松怪石映護法居天旱禱雨

輒應唐時建明萬歷辛亥邑令李春開捐金募修

建閣 國朝灾於火僅葺數椽以蔽風雨今并傾

圮無存

明丁一中詩古寺西巖紫翠間獨移飛蓋入松關自知靈境遺探討空愧塵途數往

還碧澗暫時清客思白雲長日伴僧閑振衣更躡

層峯頂天海青蒼照素顏劉存德詩龍宮掩映碧

雲閒南北高峯聳兩關絕壑風迴無鳥度斷爐火

活有僧還青郵路接平蕪遠白社身隨化鶴閉極

目盡窺滄海外放

旁有紫雲洞

張金友記余家茲山下十數歲時讀

歌聊以振頽顏

書僧室旁有紫雲洞無日不遊後往來京師又寄

食僊邑而茲山不到者垂五十年丁亥致仕歸來

癸巳夏從友人重遊舊寺遙望紫雲步不能到迴首童時遊處不勝恹恹今勒餘情於石爲茲山留別之贈

真寂寺在安仁十二都夕陽山下初名義安唐宣宗

龍潛時與黃蘗禪師觀瀑吟詩於此登極後勅賜

今名五代刺史王延彬重建元至正中圯明洪武

辛未僧雪峯重修後廢墜今建僧殿一層左構梅

小樓寺後怪石巍峩中有石洞澗外有小渚宣宗

至時浴焉詳見古蹟山川

明丁一中遊真寂寺詩
翠華聞說駐空山石徑

攀蘿叩暮關觀瀑尚留歸海句澡身猶見浴龍灣
孚雲世事終朝幻明月禪心萬古閒無邪俗緣消

未盡又隨斜月向塵寰何喬遠詩白龍花藥圃衝
州又向南天汗漫遊隱蹟三年高坐侶空山千載
夕陽秋飛泉掛絕峯應改洗垢橋懸水尚
流匡坐終朝人到少潭雲林鳥兩悠悠

嘉福院在安仁十五都深青鋪明洪武閒僧少翁重
建

白虎巖寺在縣西南仁德里曩有白虎數爲害巖窟
能制之一日僧與虎同時脫化邑人范方司爾發
林嘉采俱有題詠石壁鐫壁立朝天四大字萬歷
歲天柱書巖下田數畝年可收穀二十餘石圻頭
人捨入寺中

靈鷲巖寺在仁德里苧溪去白虎巖五里

明池顯方詩白虎巖

斯地雙巖五里中溪光開別境樹影覆真空往代碑遺址天然石作官前峯仍有洞幽窈更無窮

今廢

金山寺在仁德里馬鞍山之陽一名後鎮殿宇高曠

祀慈濟真君有禱輒應寺前爲廈島必經之道

國朝邑令徐名觀重修中殿乾隆三年唐令孝本捐貲復興後殿壬午年里人建文昌祠於其右

會堂當在仁德里蓮社中明進士林馥所建祀保生

大帝水旱疾疫禱之立應 國朝乾隆壬申里人

擴而更新之

智門院在縣南仁德十一都初名南峯元至正閒改
今名明洪武辛亥重修嘉靖廢 國朝乾隆乙亥
年復興新建文昌祠於上

聖果院在縣南豪山西肇基於唐以泗洲名後因臘
月生龍眼因名聖果院元鄉耆王西疇重新捐租
一百二十石以作香燈之費仍構祠于西偏置田
三十畝給僧住持元張仲復爲碑記之明邑人劉
汝楠康爾韞皆讀書其閒

皇渡菴在仁德里蘇營南唐宣宗居邸時嘗渡於此
里人有蘇公陳婆者畱宿菴中具雞黍宣宗登極
屢召不就詔封蘇大夫職銜陳氏賢德夫人令爲
築陂自苧溪上流沿山開鑿水道至蘇營十餘里
灌田數百頃鄉人思其德春秋祀爲田祖大兵遷
移蘇氏不知存亡外孫爲西塘張氏卽其舊居建
祠奉祭而菴已廢

琨琳院在仁德里苧溪林壑深秀唐司勳石曆會居
於此今建文昌祠於其右

慈雲巖寺在縣西南二十里聖水山宋端平年建亦
名端平巖刹下有井其泉從石中湧出名聖泉井
山之麓有孔在盤石中深尺餘積水不涸曰聖水
舊傳與海潮相通環巖大石壁立名人多題詠

上

明劉汝楠詩攜客清秋來古寺蒼蒼松桂滿叢
林孤雲野鶴共僧話白日元猿聽梵音暗泉自

流幽洞靜碧蘿長掛翠微陰欲將石壁題詩遍麻

恐真源不可尋又拂曙環林鳥語斜陽繞寺蟬聲

晴空山翠仍入午院松風自生處世翻如大夢絆

人總是浮名還從野鶴高舉不負海鷗舊盟季春

芳和韻詩空山絕徑無人到與客探奇入遠林已

共煙霞爲野逸更聞鐘磬發清音洞開峭壁堪雲

臥塔倚層霄落書陰便欲乘

風陵紫極仙源重訪恐難尋

壽石巖寺在端平巖之石絕崖峭壁一石廓然天成

巨厂中可容百餘人前環小築數閒野樹元泉風

景幽絕

光巖寺在慈汀保端山未建時山下人夜見放光萬

樹俱明以經稱佛光晃煜故名詳見古蹟

明趙景題見巖

詩翠湧松濤十里聞楞嚴光下辨峯紋秋蘭被谷
靈均老繡佛開堂鹿墅分謝眺驚人詩絕頂鄴侯
仙骨鳥爲羣村煙隴樹模糊裏自起攜鋤種白雲
許琰詩好是離城十里閒蕭森秋氣共追攀雲邊
人轉長依樹林杪樓高不見山破竹迎泉分石乳
聽松待月老龍顏風飛磬響悠然去拍點彈撥出

白鷗

泗洲院在縣西北三里許唐勅賜明覺院宋封天乙
仙姑水旱癘疫有求輒應歲久漸頽 國朝乾隆
十四年貢生陳秉禮捐貲侶修

南洋院在斗拱山南舊名報恩歲久廢墜邑紳葉守
棻在院讀書重興左有石洞右有鳳山菴

開年寺在縣西北二十餘里明萬歷庚申庠生曾追
芳建周奇炤有詩曰燈與千村爲日月溪無一刻
不風雷

西園院在古嶼保下官田明張協五捨地節婦林氏

曇瑞爲尼建

水月室在古嶼保上官田邑人李姓所建

甘露寺在長興里村田唐時建 國朝僧無疑重修

寺在羣峯疊嶂之間左有觀音山聳秀陵霄

朝陳國

韜章重遊甘露寺詩爲憶春初挹翠嵐朝來乘輿復登採千層峭壁螺尖簇百尺飛泉練影涵色帶秋澹雲抹澹名傳古刹露垂甘露高極目情無限落葉蕭蕭點碧潭

雪山巖寺在長興三秀山下鵝髻山東

一名牛皮巖

出朱巖寺距店頭鋪北里許詳見古蹟

南泉堂在同禾里六都俗名草埔宮祀清水祖師其

神甚靈有禱輒應歲正月往彭巖進香四方從者以數千計

清水巖寺在東大帽之陽白雲山宋紹興三十一年建以祀昭應慈濟大師

普陀巖寺在翔風普陀山上山有兩崖其次崖爲明林希元讀書處

龍騰宮在翔風劉五店負山面海塑吳真人像其神赫濯有禱必應宮左右有旗鼓石前數百步又有石雙排海中狀如筭形名曰筭石

鼓鑼巖寺在翔風十四都其神爲古押遷官有功德
於民者故歲時伏臘鄉民報賽不衰

后寮嶽在翔風十二都城場山後格頭三鄉之所司
建

坡山菴在翔風十八都西埔一名東菴未詳建所自
始甚莊嚴壯麗

寶月菴在金門城南又名南菴負城面海

白鹿洞禪院在廈城東門外舊有大觀樓宛在洞接
因亭乾隆癸未開再拓六合洞朝天洞銜山亭地

勢高聳洵爲巨觀

國朝黃日紀中秋日過白鹿洞詩煙霞酷愛因成癖汗漫連

旬輿趣長筇杖卓雲登法界山花黏屐帶秋香新池瀰細分泉眼古磬雲幽出道旁休恐歸遲樵逕

瞑今宵月色倍清光

天界寺卽醉仙巖在中左所東門里許中有巨石其下有竅深二尺水挹復滿味甘可釀名爲醴泉所

人池浴德集耆老爲甃小井塑九仙祀之巖後有

長嘯洞 國朝黃日紀開關

黃日紀醴泉詩出山彈指廿餘年客夢頻

飛到醴泉重飲仙人一泓水靈機淪淨悟詩禪

正悟院在嘉禾二十二都五代僧徒煥所建宋明道

初改名靈龜宋末改今名

太平巖寺在萬石之東中巖之上有裂石鑄石笑二字行數武又一大石鑄極樂天三字寺旁有小洞可容數人水流其下巖舊時爲鄭氏讀書所

萬石巖寺在中左東門外二里許沿澗上行數百步磊石插天有象鼻峯一覽亭小桃源諸勝巖扉有

漁問二字郡人張瑞圖書

明黃克晦詩結伴遙尋太乙家峩峩萬石映孤

霞座中峯勢天西側衣上蘿陰石半斜風榭無人飄翠瓦雲巖有水浸苔花何年更駐蘇耽鶴靜閉

閑門共括砂

方廣寺卽雲頂巖在嘉禾洪濟山中一峯峭絕四面

環海上有觀日亭可望日出有畱雲洞

明劉存德訪僧不遇

詩入定人何往飄然雲獨畱無心成去住愧我自
吏猶性曠隨麋適機疎共鳥休不期浮海外更得

與天游

虎溪巖寺在白鹿洞之北寺左有稜層洞前有嘯風

亭後有飛鯨石上有石扶以石闌鐫摹天石三

大字

明池顯方虎溪詩松間長榕各屈蟠諸峯起
伏復多端過溪何止三人笑入洞方知六月

寒杯影頻移依怪石夕陽更愛倚闌干
幾回餐得天風慣凡骨還應長羽翰

萬壽巖寺在陽臺山之東松林鬱茂後有巨石鐫無

量壽佛四大字左有石洞頗明亮塑普陀山一座

明吳楷詩一片瓦一片瓦造化陶鎔元不假巒連

上覆碧陵嶺瓠建周遭翠瀟灑灑巉巖壘塊糊猴頭

怪石仰昂鳥兔馬幾番風雨洗莓苔千古月華穿

破扉掬靈泉度盃竿金縷歌玉板鮮覽勝朋儕邀

我耍安得仙人王子喬一雙飛舄遊天下國朝

薛起鳳詩邱壑春晴蠅屐新重尋古寺不辭頻四

圍松影環雲戶一曲溪流赴海垠騷客仍逢前日

主園丁猶識舊來賓林閒薄暮雲封逕宛爲山靈

人欸故

資福寺在縣南宋天聖閒建明洪武中重脩

石室寺在碧泉巖當普照寺右有泉一線從石流下

林太常宗載鐫飛泉二大字于石壁今泉已竭寺

亦就荒

碧山巖有神室在廈門港海防署後左側始築小宇
後僧慈惠漸次闢之

中巖寺在萬石太平之中入門有亭俗呼爲將士亭
以其祀澎湖陣亡將士故名拾級而上有石當戶
鑄玉笏二字寺在半山前有大石環石闌以爲庭

下臨深谷

國朝薛登龍秋日重遊中巖詩舊約
經旬未忍忘中峯復到值秋涼漱泉松

底詩脾淨支杖峯頭客步強山谷亂雲封裂石海
門斜日引歸帆由來梵刹霜天好不憚追歡醉羽
觴

壽山寺去廈門城東里許俗呼爲半山堂以其在市
與山之半也

覺性院近薛嶺初甚偉麗不下普照今廢只存數椽
白鶴巖卽白鶴嶺有梵室去廈城里許有鶴棲嶺上
故名舊爲大道築石爲門建石亭於門右巖在亭
南明島上有能詩者過此得野雲度嶺疑歸鶴澗
水流霞想落花二句繪以爲圖傳於世由是知名
寶山巖卽董內巖在吳倉社後有佛宇地甚幽僻旁
有泉曰聖泉相傳宋幼主嘗掬飲之永山有四泉

此其一也

瑞眈菴在鼓浪嶼與水仙宮相對舊爲天后廟俗爲
三坵田前臨海後負山小舟直抵其下初甚窄今
寺僧募築十數間

日光巖僧舍在鼓浪嶼有石壁立千尺鐫鼓浪洞天
四字舊惟石室半閒屋數椽僧瑞球募闢之左爲

方丈其上爲旭齋又有小洞堪以避暑

明丁一中詩一水分

烟嶠沙舟客共登崇巖參佛古仄徑躡雲層遂作
凭虛觀因逢彼岸僧何能拋絃冕長此覓三乘

逢中菴卽紫雲山
兵仙巖半里路甚曲折樵溪之水

出焉因溪中石架小橋以通遊屐其下有小洞洞中泉清而冽勝於他泉其左有洞曰蛟洞蛟洞之

旁有果巖果巖之後有碧蓮寺又過樵溪其高處

有高讀巖相傳為鄭氏讀書處今皆廢

日國朝黃紀遊紫

雲巖水洞詩憶昔重陽節曾同此處遊分攜一彈指再到五經秋諸子珠盈掌衰翁雪滿頭顏唐久荒落詩思藉清流莫鳳翔詩五年兩度遊徑古洞仍幽流水杳然去閒雲相與留雞聲深院午蟬噪暮林秋文酒當時社清風尚可求

荷菴在廈門城北門外嶽廟前池中寬廣約畝餘植

竹為垣逼以石橋始為民書屋僧淵博購之為菴

南普陀寺在嘉禾五峯山中五代僧清浩建初名泗
洲宋治平閒改爲普照院元至元閒廢明洪武閒
僧覺光復建明季燬於兵 國朝康熙閒靖海將

軍施琅重建改今名宏敞壯麗甲諸寺

明俞大猷詩壁上舊

詩拭目看綱常從昔一肩擔驅馳四十年來事莫
報君恩祇自慚又扶桑東去更無山天外浮雲獨
往還劔履半生湖海遍老僧贏得百年閒又借問
浮雲雲不語爲誰東去爲誰西人生蹤跡雲相似
無補生民苦自迷又未工詩字書盈壁待得工時
事若何欲寫心中無限事不論工拙不論多池顯
方詩十年古刹幾輕灰重見天花散講臺野露欺
人疑結雨松風刮地每驚雷一泓碧水和雲下萬
點青山擁海來若問箇中真普照峯頭夜半日輪
開國朝陳光榮五老雲峯迴海澗峯迴海繞護禪

林崖巍紺殿千尋峻宥靄蒼巖六月陰壯觀自應
雄鷺島佳名端不讓梅岑落伽山舊名梅岑市舶喧逐聲
漸遠支筇一
為洗塵襟

同安縣志卷之十一

署廨

自古設官分職因以所治爲公署故出而臨民
則有堂入而燕處則有寢詎得視官廨爲傳舍
而忽諸同邑爲閩南要區駐監司以嚴防守設
元戎以壯干城凡文武署廨莫不隨其儀制辨
其等威豈第肅觀瞻謀宴息已乎居斯署者尙
其潔已奉公實心盡職以期無忝爾位焉可志

署廨

縣署在葫蘆山前左首五代天成四年建宋大中祥符五年縣令宋若水重建中有祐賢堂闢畫朱子改爲清心後改爲牧愛又扁視民如傷又有六吾堂闢畫舊書張子西銘于屏閒元至元閒縣令蘇進明宣德十年知縣張琦相繼修中爲正堂左爲幕廳正堂前爲露臺隸亭甬道戒石亭儀門兩序爲胥吏六房正堂後爲穿堂西爲架閣庫北爲後堂後堂之後爲內衙其廳曰鳴琴旋更爲樂只儀門左爲寅賓館石爲縣獄儀門外東爲土地祠南

爲譙樓扁曰拱秀樓左旌善亭右申明亭樓前爲

縣門成化九年知縣張遜修署乃買民地改立二

亭於縣門外左右嘉靖間知縣許仁鄴一相先後

立題名碑於正堂之北

明黃偉記凡公署有題名以紀厥官其來舊矣吾邑

肇自五代而斯闕焉仁和竹厓許子先尹德化以治優移吾邑未逾年考最乃於堂東立石類題國初以來令丞簿尉且紀其鄉及出身履歷不知者闕之虛左以俟續書屬予記焉謂將考其賢否以自警且以警夫將來者予惟是舉也豈特可以警夫父母斯土斯民也哉亦可以警夫斯土之士若民也夫父母於斯者皆聖君賢相以爲賢才而禮命之者也間有不才未必皆君相之誤也世惟中材最多士若民或因得以邪誑之奸利干之故始以廉能至者終或以貪暴去而自五代迄今將及

千年雖不惑於士民者不少獨紫陽朱文公以主簿能速化士民爲首稱而莫與京焉嗚呼民不足責也士爲民望者亦爲之何心哉茲爲采列實以示之凡登華堂覽貞石父母於斯者固得鑒別賢否以爲勸戒而爲士若民者亦將指之曰某也賢不受變於士民某也不賢士某實病之也安知讀紫陽書者不咸勉厥修以復紫陽舊風也哉是爲記

國朝順治閒署解懋

於寇康熙元年知縣卞世珍始建大堂十八年復燬於寇知縣金振麟蓋茅堂三十一年知縣馮俞

昌建穿堂吏舍共九間三十六年知縣李時熙建

倉庫七間四十一年署縣徐之霖重建大堂易茅

爲瓦四十二年知縣路松年建穿堂後小樓及大

門二門四十六年知縣蔣沛五十二年知縣朱奇
珍繼修雍正十一年圯於水乾隆三年知縣唐孝
本五年知縣周岱相繼重建

縣丞署在金門後浦

乾隆三十一年移駐灌
口四十五年仍舊駐此

浯洲場鹽大使署在翔風里陽田保

乾隆八年就踏
石司廢宇重修

烈嶼場鹽大使署在烈嶼下林鄉

祥豐場鹽大使署在翔風里澳頭

灌口巡檢署在灌口

石滸巡檢署在廈門港

照磨署在馬巷

原駐踏石巡檢乾隆四十年移通判駐此將踏石巡檢改爲照磨

劉五店巡檢在劉五店

典史署在縣署西

原在縣署東因初海氛陷城折毀後改建今處

教諭署宋以前不可考明嘉靖二十八年署縣事通

判吳嶽始建於

文廟右之北後廢爲荒圃教諭

寄居序賓亭後

國朝康熙雍正間仍卽序賓亭

爲署乾隆二年知縣唐孝本於訓導汪芷所建

崇聖祠東三間添

六間爲教諭署

訓導署宋以前亦不

考明嘉靖二十八年署縣事

通判吳嶽於 文廟右教諭署之東西建二訓導
署後廢訓導寄居衣冠亭右 國朝雍正九年訓
導汪芷建廨三間於 崇聖祠東乾隆二年知縣
唐孝本移訓導廨於文公祠後添建九間於旁四
十五年圯於水五十九年生員高有繼倡建

城守參將署在縣城東市

都司署在灌口寨行內

中軍守備署在縣城小蘆山前

水師提標中營參將署在廈門城內

左營守備署在廈門洪本部渡頭

右營遊擊署在廈門附寨社

守備署在廈門附寨社

前營遊擊署在廈門和鳳社

守備署在廈門港

後營遊擊署在廈門附寨社

守備署在廈門港

水師鎮標左營遊擊署在翔風里後浦

守備署在翔風里後浦

右營遊擊署在翔風里後浦

守備署在翔風里後浦

統轄分防鎮守各官署

附

興泉永道署在廈門城北門外 國朝雍正五年自

府城移駐

廈防同知署在廈門港 國朝康熙二十五年從府

署左移建乾隆十七年攝廳事白瀛重修乾隆三

十年防廳黃彬於署右大門內添造監獄一座大

小共十四間

通判署在馬巷 國朝乾隆四十年建前三十一年

白晉江縣安海移住金門四十年復自金門移駐

於此

水師提督署在廈門城 國朝康熙二十四年將軍

侯施琅建中爲正堂東西廊爲本稿諸房前爲露

臺甬道儀門大門外爲鼓吹亭南爲轅門轅門外

爲將裨官廳正堂後爲穿堂爲內署又後爲來同

別墅

鄭纘祖說大將軍施公受命專征既平海國

秉鉞坐鎮於吾郡之廈門城小而壯爲東南
舟楫輻輳地左挹山光右收海色萬頃滙瀾諸峯
競秀有負山襟海之勢軍旅之暇公於府治後日

地高下爲園爲堂爲齋爲亭爲軒窓臺榭各不
曠地故多巨石又從而松之竹之梅之桐之大不
盈數畝高出城上俯瞰內外如列眉睫閒予客其
中四閱月悠哉忘返客有問予曰美哉園亭所以
命名其義可得聞乎予應之曰可夫園曰涵園言
海也涵萬象也堂曰足觀觀於海而足也示不驕
不吝也亭曰青礪曰介亭枕漱也帶礪也介於石
也不苟取也齋曰旭齋軒曰醉月昭其明也曰指
昇遠不忘君也曰羅浮懷彼美也客曰美哉園亭
其義我知之矣然則園之外有曰來同別墅其說
何居于其更爲我言之予曰難言也雖然嘗聞之
矣其在詩曰徐方旣來徐方旣同天子之功公其
以臺灣新入職方猶徐方之來同歟論曰有朋自
遠方來易曰同人于野公其樂與賓從遊歟抑外
國之梯航來此者于以見車書之會同歟或曰公
起家于同廈同地也公其復來建牙歟別墅賭碁
也其以誌彭海之奇捷歟是皆未可知也然予見
公鑿海築堤引流入池藏巨艦焉其易也如覆杯

水於坳堂以芥為之舟公固有移山倒海之規模
園亭結構其小焉者嘗贈子初度詩曰臘月青霜
梅吐妍乾坤運轉却知年公之胸懷高曠又何如
知其命意遠矣然則未可知者未之知也其可知
者又豈能盡知之哉容喜而笑相與踞石
引滿陶然而醉不知月出於東山之上 東為夾

道道東為幕廳內為司廳外為射圃署西為大道
為廳事又有足觀堂澄心堂八風亭方池怪石諸
勝最北有亭跨北城為城中最高處可以望遠

金門總兵署在浯洲嶼後浦 國朝康熙閒總兵官

陳龍改建中為正堂為儀門左右為鼓吹亭南為

轅門轅門外為將裨官廳後為內署東為東花廳

香房正爲正廳幕廳

廢署附

宋丞廳在縣治左有堂曰簡靜後名省齋後圃有亭名曰貯清宋時建國朝順治閒燬於寇十
六年丞王庭極重建後復被寇燬

主簿廨在縣治右

尉廳在東門外直縣治正北西偏爲甲仗庫又西偏爲小廳其後有梅齋門之外有秀野亭前爲教場有堂名整暇

明察院行署在縣治東萬曆三十一年知縣王世德重建

布政分司行署在縣治西大輪驛左舊爲稅課局
正統閒知縣朱徽建成化十一年知縣張遜隆
慶閒知縣鄧一相相繼修

按察分司行署在縣治東舊爲惠民藥局又改爲
道署後乃爲司正統閒知縣張節成化閒知縣
張遜相繼修

興泉道行署在縣治東正統九年知縣張節成化

十一年知縣張遜坦繼修

海道行署在中左所西門外

府館在察院右後建大同書院今移

海防館在中左所城西門內萬歷三十一年同知

楊一桂建

高浦巡檢司舊在縣西積倉坂後徙縣南二十二

都

塔頭巡檢司舊在石湖徙置二十二都塔頭村

峯上巡檢司舊在縣十八都從南安蓮河徙此後

改下店

出浦巡檢司舊從安溪源口渡徙置十八都涪洲

嶼

陳坑巡檢司舊從晉江石井鎮徙置十八都涪洲

嶼

官澳巡檢司在十七都 國朝移駐踏石

烈嶼巡檢司在二十都從澳頭徙此 國朝移駐

石滸以上七司皆洪武二十二建

澳頭巡檢司在縣西十一都正統年間設

苧溪巡檢司在十三都正統元年設萬歷九年改
建白礁充龍山 國朝移駐灌口

浯洲場鹽課司在十七都洪武二十五年建轄倉
埕十四所曰永安曰官澳曰田墩曰沙美曰浦
頭曰南埕曰季保曰古寧曰寶林曰東沙曰方
山曰斗門曰烈嶼曰南北二倉今改歸鹽政

稅課局在縣西桂林坊內正統閒改爲布政分司
行署

河泊所在縣三都浦頭洪武十六年設

陰陽學在縣治南擢賢坊

醫學在縣治東城隍廟右成化十八年建

僧會司在梵天寺

道會司在朝元觀

驛傳

置郵傳命務在急公馬遞曰置步遞曰郵古者以車謂之傳車其後又單置馬謂之驛騎同邑爲泉漳臺灣水陸衝衢章奏文移來往恆必由焉我

朝整飭驛傳馬遞舖遞晝夜奔馳各有限制法良意美夫何有稽遲之失也哉志驛傳

大輪驛在大輪山寺左宋時建名大同驛元移於縣西門爲同安驛明洪武九年知縣吳銘重建改今

名正德元年知縣李彰重建嘉靖閒推官譚鎧知

縣許仁棍繼修

明李源記維皇建國程分驛置聯屬天下至遠也大輪驛在司安治

西創始於宋移於元名殊地改國朝洪武改元之初九年卽元基改今名尹銘新之漸而圯正德之初尹彰新之而又圯數十年之閒政弛費殷則圯之甚棟撓廈傾中支數木野蔓封於簷牖望之頽然使者之來倉皇天書縱橫貢物餽民居止焉餽金之積浮於新構供具什物頽之人居假貸竊匿之閒終莫之勝弊四偏隙地則又半食居者之蠶困之也嘉靖辛卯春三月大巡義烏虞公東至實說之霜飛鵬擊之餘抉剔弊源自度惟貞分巡績溪胡公承菴惟章惟果屬有茲議上之大巡曰嘉環顧推官曰譚鎧惟汝能爾鎧其相之宜惟誠惟贏汝實經之爾鎧其覈之侵惟究惟售汝實始之其母怠於是推官奉以周旋方鳩僦功蠶者訊之惟均四偏之界視舊有加焉比偏隙地繪之弦外請

於民入數金者世尊實率有役薨薨登登於四月既望五月下浣落之莠堂後寢臺門譙閣左右夾室觀者有改庖溷廢獄甃甃石砌之類改觀於舊賓至其如歸乎虞公旋章之節復視之曰官其匪康以能有成功如此推官曰於茲役也其紀之日月嗟乎高其閉閣厚其牆垣以無憂客使春秋袞之夫始議之減繼事之勤臺憲實綜之其利民一事之盛也與哉爲是記若夫嗣而葺之將終不朽其胡今

後廢萬歷壬子知縣李春開重建

蔡獻臣記

昔尼父論政柔遠居一而周語單襄公所稱敵國賓至司理授館以至積薪監濯致餐獻餼之典罔不備具矧今皇輿一統同爲閩粵通道銜王命持關繻而過者肩相望於封內哉蔡子曰曩予道潤州走京師數千里閒蓋有驛舍如新溝途若砥入其疆似別一境界而其令亦獵能名博美官去然細詢之則傳舍道途之費率取辦民間彼其吏民不相得無怪也故耽於白爲者視官若郵何況傳

舍而巧於爲人者飭廚傳以媚過賓總之亦爲已地耳爾爾密無取焉大輪異故元同安驛地在縣治西自洪武至正德年閒及嘉靖辛卯前令相繼新之八十年來傾圯殆盡賓之至者率僑寓也公署以去今李侯下車愛養元元百務咸舉乃擇委典幕王君應元佑議修費計用工料共一百餘緡而侯捐俸以佐之不啻三之一議定上之郡道兩臺旣覆覈咸報可於是以前歲壬子首春興事季夏報竣凡重門垣堂寢庖福之制井井秩秩而一切搬運之費皆屬權宜設處工覈而成亟官省面民不勞則侯之經畫審而幕之督率勤也然侯之爲是役也取苞茂經久而已不極觀焉君子之至於斯也雖不廢造請然不乏事而已無加禮焉視諸傳舍其宮與飭廚傳媚過賓者相去何如也侯嘗葺書院以崇紫陽清銅魚以復形勝皆關邑大計修廢振墜費不及民併茲而三矣是賢者之舉也不書何以示後李侯名春開別號青岱江右廣昌人王典幕浙江江山人其時驛丞爲富陽王學

呂亦咸厥
功併記之

上至康店驛七十里下至深青驛六十
里原係驛丞專理 國朝以典史兼管乾隆三十
一年歸縣管理現在額設贍夫六十名抄單走遞
防夫等六名兜夫十五名乾隆三十二年添設遞
夫二名馳遞臺省往來公文

深青驛在縣西六十里宋名魚孚在安民鋪之側元
移今所明洪武十四年知縣方子張重建景泰元
年尚書薛璉令主簿蔡璘重建上至大輪驛六十
里下至漳州府龍溪縣江東驛六十里原係驛丞

專理 國朝乾隆二十年裁汰歸縣管理現在額
設贍夫六十名抄單走遞防夫等六名兜夫十五
名

按大輪深青二驛初設之時每驛上馬三匹每
匹編米五百石中馬二匹每匹編米四百石下
馬二匹每匹編米三百石驢五頭每頭編米五
十石夫首六十五名每名編米三十石防夫二
十五名每名編米二十八石五斗正德十四年
以前俱同安安溪二縣民米糧戶親當十五年

御史沈灼改將糧戶減徵解官給發未幾仍復
親當嘉靖十六年御史李元陽盡革馬驢議復
官當每米一石徵銀一錢六分八釐有閏加銀
一分鋪陳馬價每石徵銀一分俱解府給驛官
當二十九年每驛議設夫保十名每名另編工
食銀一十二兩領銀應役四十三年議革夫馬
照前官當仍議每石上量加銀八分共徵銀二
錢五分至萬歷十二年賦役書冊照米編銀一
千九十二兩三錢二釐二十一年加編銀二百

四十四兩六錢五分五釐又加閏月銀九十六兩九錢八釐四毫三十年加編內監夫廩銀八十兩二錢一分七釐三毫協助黃田驛銀一十三兩三錢六分九釐五毫其實編銀一千五百二十七兩四錢五分二釐二毫內解府給驛銀一千二百五十四兩六錢一分九毫三絲七忽解福州府協站銀三十八兩六錢八分九釐六毫三忽協助黃田銀一十三兩零又解府轉解福州府總府衣資供應銀八兩二錢五分七釐

內監夫廩銀八十兩零存縣給轎傘夫三十五兩四錢無閏之年扣解布政司充餉至康熙癸巳志已云前項俱經革去只存畱給贍夫六十名每名額設日給工食銀二分大建月該銀三十六兩小建月該銀三十四兩八錢抄單走遞解徒防夫等六名每名額設日給工食銀一分六釐六毫零大建月該銀三兩小建月該銀二兩九錢堯夫十五名每名額設日給工食銀二分大建月該銀九兩小建月該銀七兩八錢俱

對縣給領膳夫在驛伺候應差凡勘合火牌內
右填馬匹者一馬准夫三名有用車輛者一車
准夫十六名有廩給者每分或二錢錢八錢六
不等俱照上驛之例有填口糧者每分給銀五
分歷已成例向驛官給領今又越數十年其制
更不相符姑附於此俾後之覽者知所考云

鋪遞 附

縣中大路自縣前總鋪起上至小盈為四鋪下至仙

店為七鋪計一十二鋪

乾隆四十年撥小盈店頭
沈廿八下尾店聖林劉五店

等六舖司兵共二十五名工食銀一百六十二兩六錢三釐歸馬巷寤管理

小盈舖 額設司兵五名上接南安線東嶺舖下接馬巷廳屬店頭舖

店頭舖 額設司兵五名上接小盈舖下接沈井舖俱屬馬巷廳

沈井舖 額設司兵五名上接馬巷廳屬店頭舖下接本縣洪塘舖

洪塘舖 額設司兵四名上接馬巷廳屬沈井舖下接縣前舖

縣前舖 原為東門舖額設司兵五名上接洪塘舖下接烏泥舖

烏泥舖 額設司兵四名上接縣前舖下接新塘舖

新塘舖 額設司兵四名上接烏泥舖下接芎溪舖

芎溪舖 額設司兵五名上接新塘舖下接安民舖

安民鋪

額設司兵五名上接
芋溪鋪下接魚孚鋪

魚孚鋪

額設司兵四名上接
安民鋪下接深青鋪

深青鋪

額設司兵五名上接
魚孚鋪下接仙店鋪

仙店鋪

額設司兵四名上接深青鋪
下接龍溪縣龍江鋪交界

舊設小路八鋪

五通鋪改設小路烏泥鋪

額設司兵二名

永豐鋪改設康方鋪

額設司兵二名

言澳鋪改設兌山鋪

額設司兵二名

平林鋪改設集美鋪

額設司兵二名

草市鋪改設高崎鋪

額設司兵二名

北門鋪改設蓮坂鋪

額設司兵二名

廈門鋪改設和鳳鋪

額設司兵二名

金門鋪改設和鳳鋪

額設司兵二名

以上八鋪乾隆二十六年以烏泥康方兌山集

美高崎蓮坂等六鋪鋪務稀少裁汰僅存金廈

和鳳二鋪添設小路六鋪

添設小路六鋪併舊存二鋪共八鋪

下尾店鋪

馬巷屬額設司兵二名乾隆二十六年添設二名上接小盈鋪下接聖林鋪

聖林舖

馬巷屬額設司兵二名乾隆二十六年添設二名上接下尾店舖下接劉五店舖

劉五店舖

馬巷屬額設司兵二名乾隆二十六年添設二名上接聖林舖下接五通舖

五通舖

額設司兵二名乾隆二十六年添設二名上接劉五店舖下接句塘舖

句塘舖

額設司兵二名乾隆二十六年添設二名上接五通舖下接金雞亭舖

金雞亭舖

額設司兵二名乾隆二十六年添設二名上接句塘舖下接廈門和鳳舖

廈門和鳳舖

額設司兵二名上接金雞亭舖下將公文交船戶帶往臺灣澎湖投遞

金門和鳳舖

額設司兵二名上接和鳳舖下將公文交船戶帶往金門各衙門分投

又另設二舖

金門渡口一舖

額設司兵二名

石灣一鋪

竊設司兵二名渡夫一名

乾隆二十六年添設各鋪司兵及金門渡日石灣二鋪司兵共一十七名每名年給工食銀三兩一錢二分共應銀五十三兩四分將裁汰小路烏泥康方兌山集美高崎蓮坂等六鋪工食銀四十四兩六錢四分撥給尚不敷銀八兩四錢官爲捐給係在外議詳變通辦理未經題咨歷年奏銷冊仍照原額設司兵造報

同安縣志卷之十一終

同安縣志

卷之十一

驛傳

十七

亂餘諸同共數肆

租半奏餘冊四照

趁官爲能餘紉亦伏藉精變酸鞭野未縣嚴容

趁四十四兩六錢四分餘餘尚不嫌趁八兩四

兩息距東衣食山兼美高融重對等六餘工食

兩一趁二合共煎趁五十三兩四分餘餘太小

對二餘同共共一十小各每各半餘工食趁三

諱劉二十六半泰婚各餘同共及金門與日不

不贊一餘 高對夫一各

同安縣志卷之十二

古蹟

時移世易忽成往事谷變陵遷已爲陳迹同之
遺蹟湮沒無傳者不知凡幾而昔賢所經後人
往往於斷簡殘碑中流連弗置豈非履其地而
益思其人哉志古蹟

高士軒在縣署右宋紹興閒朱子爲縣主簿廳事西

北有軒亢爽署曰高士軒

宋朱熹高士軒記同安

不可居獨西北隅一軒爲亢爽可立意前人爲之
以待夫治簿書之暇日而燕休焉然視其所以名

則若有不屑居之意子以爲君子當無入而不目
得名此非是因更以爲高之軒而客或難予曰漢
世高士不爲主簿者實御史屬漢官御史府典制
度文章大夫位上卿亞丞相主其簿書者名秩亦
不卑矣彼猶以爲逸已而不顧焉故足以爲高也
今子僕僕焉在塵埃之中左右朱墨蒙犯箠楚以
主縣簿於此而以高士名其居不亦戾乎予曰固
也是其言也豈不亦曰士安得獨自高其不遭則
可無不爲也乎予於其言蓋嘗竊有感焉然亦未
嘗不病其言之未盡也蓋謂士之不遭可無不爲
若古之乘田委吏抱關擊柝者焉可也謂士不能
獨自高則若彼者乃以未觀夫高也夫士誠非有
意於自高然其所以超然獨立乎萬物之表者亦
豈有待於外而後高耶知此則知主縣簿者雖甚
卑果不足以害其高而此軒雖陋高士亦或有時
而來也願予不足以當之其有待於後之君子云
爾客唯唯而退因書之壁以爲記高士軒詩官署
夜方寂幽林生月初閒居秋意遠花香寒露濡政

園異時節欲歸懷簡書聊
從西軒臥塵思一蕭疎

畏壘菴在縣治北宋紹興閒朱子涖同秋滿代者未

至假陳氏館以居名其菴曰畏壘

宋朱熹畏壘菴
記紹興二十有

六年之秋余吏同安適三年矣吏部所使代余者
不至而解署日以墮敝不可居方以因葺之宜爲
請于縣會余奉檄走旁郡因得并載其老幼身送
之東歸涉春而返則門廡列舍已摧壓而不可入
矣於是假縣人陳氏之館居焉自縣西北折行數
百步入委巷中垣屋庫下無鉅麗之觀然其中粗
完潔有堂可以接賓客有室可以備棲息誦書史
而佳花異卉蔓藥益荷之屬又皆列蒔于庭下亦
足以娛玩耳目而自適其意焉余獨處其閒稍捐
外事命友生之嗜學者與居其下拚除井竈之役
願畱者亦無幾人若常時車馬之客與省吏之有
事于官府者則無爲而來賓客或謂余所以處此

者庶乎庚桑子之居畏壘也。因名余居曰畏壘之
庵。自是閉門終日。翛然如在深山窮谷之中。不自
知身之繫官。於是既歲晚而不能去也。如是又累
月。代余者卒不至。法當自免歸。而陳氏謁余。而請
記其事。曰：使後之人知夫子之嘗居於是也。余惟
庚桑子蓋莊周列禦寇所謂有道者。余之學既不
足以知之。而太史公記又謂凡周所稱畏壘虛亢
桑子之屬。皆空言無事實。然則亡是公烏有先生
之倫也。此皆不可考。獨周之書辭指怪奇。有可觀
者。余於是竊取其號。而不辭。遂書以畀陳氏。陳氏
世爲醫。請予記者。名良傑。爲
人謹篤。周慎能通其家學云。

福星學舍在縣西庫內巷宋許順之講學之所後燬
明嘉靖中立爲社學祀順之像今臨街福星樓猶

存

士街在縣署前二街相次橫疊一街中間直衝類士
字街前關帝廟原北向明季邑令陳相才改徙東
向塞斷橫街之半幾類亡字遂致人物彫零國
朝康熙六十一年郡丞郎文焯攝邑關廟仍改北
向街道粗豁尋爲民居壅塞乾隆二年邑令唐孝
本盡撤西隅佔築民舍而士街始通達如故

觀瀾亭在儒學前城堞上明成化癸巳郡推柯漢建
後廢國朝乾隆辛巳壬午閒邑人請於令與

之陳薰九日登東城觀瀾亭詩風飄五雨碧烟
百雉長縈帶水流堞外客抽凌漢塔城頭亭寫

隔溪樓雙橋密匝千家少樹平鋪一色
秋老我登臨無限思插萸猶學少年遊

白着真隱在邑城西門內明提學劉汝楠建中有少
微堂西清池臥雲樓明漪閣濯纓亭解駒軒汝楠
晚酌濯纓亭有疎花雲閣映斜月水簾明之句

貞素堂在城內明觀察蔡復一築 國初廢爲營殿
乾隆三年改爲雙溪書院

銅魚亭在南門外溪澗雙溪匯處有銅魚金車二石
雄鎮水口朱子爲之題字刻石後金車如故而銅
魚沒沙泥中有讖云銅魚水深朱紫成林明萬歷

壬子邑令季春開疏石得魚與珠濬池蓋亭其上
後亭壞沙壓 國朝康熙癸巳邑令朱奇珍拓而

清之榜曰觀化等爲市肆壅塞乾隆戊午邑令唐
孝本折屋濬溪市肆旋填壓如故辛巳壬午閒紳
士請於邑令鄒召南盡撤其廬環以石闌嘉慶丁
巳紳士高以彰等復請邑令吳堂疏清濬深城濠

引水入池并禁市猾開厠池上邑中科第全視銅

魚顯晦以下盛衰蓋累復累驗云

明蔡獻臣銅魚亭成邀林負蒼

陳賓門張輔吾夜坐詩神魚迎水躍大馬護亭斜
奇蹟何年隱勝遊今日終風催急雨夜月坐平

沙隔堞堪呼取
如灑不用賒

太師橋在東門外東溪宋太師雷從劾建又名東壩

宋朱熹雨霽步東橋玩月詩空山看雨罷微步喜
新涼月出澄餘景川明發素光星河方耿耿雲樹
轉蒼蒼晤語逢清
夜茲懷殊未央

并石臺在太師橋畔溪中有巨石高丈餘方廣數丈

天然如臺屹立水上鐫字甚古勁不知所始宋宣

和中邑令危秉文復識而勒之石陰旁石鐫有紫

陽舊遊卽朱子步東橋玩月之處

國朝陳薰月夜
登并石臺詩爾

望長川色清光夜不貧溪山雙蹇足風月幾閒人
流水隨來往吾曹自主賓暮遊秋更好對酒莫辭

蘋葉延梅詩東臯雙石筍長峙碧溪灣流水千年
在清風此夕閒滿天見明月一鏡照青山坐對高
亭冷微雲自往還劉澗詩溪上斯臺古攜壺月
圓友同竹林輩人是水中仙淺瀨搖金魄微雲淡
素川簫聲何處落隔岸有人煙蕭子均詩東臯凭
眺望夜色白沙村雲淡秋生渚川明月在尊清光
從古賞此石到今存曠
矣水山意吾儕且細論

結藝堂在并石臺畔舊有是堂後圯明劉存德築菴
其處而仍以結藝名之嘗踞石臨流舒嘯吟詠有
友石之居東臯清流等字皆存德手書近郭溪山
此爲最勝

文筆塔在鳳山距城東南一里明萬歷庚子夏昆令

洪世俊以山直巒宮巽離之方爲文明地宜有秀
峯卽其頂建石塔五層工竣越月登賢書者八人
明年許解遂冠南宮互見外紀

文公堤距城北里許有大石倚山麓刻應城山三字
明劉存德題其旁云朱子爲同安簿築堤以補龍
脈

朱子同山字蹟在縣東里許同山上邑中朱子字頗
多皆係石刻惟同山二字乃硃砂所刻不迄今
其色不變

瞻亭石在輪山北龍門下有六石朱子手書瞻亭二

字賈似道過此欲描取其字是夜石卽倒翻後人

鐫其旁曰墜星石明邑令劉裳構石亭摹字刻置

亭中卽名瞻亭

明劉汝楠瞻亭懷古詩石上亭非古山中道自尊昔賢芳躅邁空谷

白雲屯歲月摩丹嶂風霜靜紺園戰龍雙老樹一去莫攀援

戰龍松在輪山梵天寺東舊有二松攬拏勢若龍戰

朱子刻戰龍松三字於石

國朝高聯飛懷古詩二松交峙古朱子表其

名翠幹凋零久剔苔鐫字明

聖泉在輪山達夫巖下石乳流香清泚沁脾汲以瀹

山多賦記 卷之十一
茗能療暑毒雖太旱不涸年久蕪沒失其故處僧
法海尋得之僧戒皞鐫記於石云聖泉久失法海
尋得戒皞當山記乞人識

騰紫峰距城二里在同山之東中有巨石刻騰紫峯
三字朱文公手筆也是山每有紫氣上騰因以名
互見山川

壺隱山房在東山下明觀察蔡復一書室又名東山
草堂

在鏡亭在城西北四里東山之北下臨深潭匾額

董其昌手書其地舊有精舍

國朝里人陳睿思

復構別墅其閒名曰澹園

國朝陳睿思澹園
漫說齊州九點煙一拳

聳秀俯平田扶藜到處頻呼丈攜屐登來欲問天
香動梅花邀月飲寒侵樹影枕雲眠不須負箸歸
山市鎮日敲棋有謫仙許瑛遊澹園詩安石今猶
臥閒情寄一邱喚人禽語滑穿徑落花秋籬落環
山擁階除曲水流桃源
原咫尺物外欲盟鷗

雲奇不在感化距城北四里許窈窕嵌空中裂一

痕午始見日其外有方巾石紗帽石馬鞍石皆象

形惟肖名人題詠鐫石頗多

劉汝楠晚酌雲奇山
詩逐涼來赴東山約

向晚還尋北寺遊日氣迥銜青嶺鐘聲近報白
雲秋螢光歷亂禾千畝漁人依微樹一洲自有長

風生絕壁何妨列坐俯清溪
九日登高用前韻
百年放浪邱中賞
九日登臨雲際遊
石上青松存
晚節檣前黃菊報
先秋禪房寂寞依
雙樹仙嶠微
茫接十洲聞道龍山會
落帽何如閩嶺更風流
了
一中雲奇覽勝詩
共有邱中興
言尋郭外山
平林
穿荔圃小徑入松關
靈境來何暮
煩心到此閒
白雲如有意飛去復飛還
又巖端恣幽討
迤邐陟西
坡海色秋逾淨
巒光晚更多
上公移劔珮
老衲出
松蘿信是神仙窟
蓬瀛復若何
王京詩驅車出西
谷元覽駐寒山石路晴
吹葉禪扉晝亦關
鐘鳴巖
意動林靜鳥聲閒
一邁騎羊子陵虛
共往還
又歲
暮眾芳歇探奇陟遠坡
蟲書崖樹老山暝宿雲多
入洞隨猿跡緣巒附葛蘿

邱中有仙侶塵世欲如何

御金亭在縣東五里許榕溪公館南道旁明成化閒

邑令張遜有善政以擢福寧州守去百姓攀爾不

得有一叟老人產金數斤從松溪來賸令辭焉既
又至洛陽至三山皆一一慰遣之故民爲立亭亭
下有碑大書張公愛民父母數字邑人傳鎮爲又
記之

萬濤坑在三秀山距城北十餘里石壁陡峭曲折幽
奇中有石榻石床巨入跡諸勝

蒙山龍潭在從順里四五都距縣城南二十餘里宋
崇寧二年攝令趙文仲奉詔建廟於山之西麓朱
文公真西山嘗禱雨於此淳熙十一年春夏旱邑

令鄭公顯榮於潭雷雨交作潭上三百餘步有石

鐫祈雨道場四字

宋鄭公顯碑記秋成在望靈雨未零遍伸奠瘞之文未協滂沱

之應昔聞禱雨遺迹猶存比乎唐令踵行甘霖立沛乃偕營屬用和神民步行而去戴雨而歸途使大有興歌豐年誌慶洵山靈之蘇兆姓爰勒石以銘千秋

晃巖在感化端山距縣北二十里明邑人池顯方辭

榮入道誅茅山樓讀書其地先是居人夜見山林

放光木石齊明以經稱佛光晃煜故名中有雙泉

坪花源澗大龍湫激素洲盤陀石迴獅峯衆妙亭

韻亭石淙洞松軒諸勝

秦鍾震贈池直夫辭榮入道將母山棲詩奉常庭訓

垂令儀直夫伯仲奕當時伯氏依松愛根礎而君
天親還自在海內傾蓋盡知交中情皎潔不可渝
初築玉屏吞海色不見流泉石空碧幽探討得族
光巖飛瀑懸崖下澄潭人傳神光出山谷更敞松
軒韻萬壑中棲布佛何處來高亭虛止衆妙開繁
華滿眼皆浮幻帝鄉富貴非吾願獨念將毋隱山
居披素茹淡會真如數畝農桑亦菽水松籟石淙
奪俗子衣冠莫問與世乖煎茗焚香稱好懷吹笙
緱嶺桃千樹桃源人家似相遇豈須引導說長生
精修大覺道常平世閒戲場異悲悅看君心印溪
山月樗人相憶在江鄉欲往從之眼耳
荒和君雜詠意夫子浩歌轉寄頻伽鳥

靈源在蓮花山距城西北三十里泉隨潮汐盈虛朱

文公鐫字其上復有太華巖三字在石閒

御踏石在同承四都龍窟村之上距城西南十五里

有巨石三片連接水中宋幼主自此登舟往莊坂

尾由五角嶺過海入粵後人鑄其石曰御踏石明林

希元御踏者詩六飛一去不復返此地猶傳帝子

行萬里山河無驛足數方盤石尚留名天寒水冷

魚龍泣海濶風高鴻鴈鳴千古

乾坤同逆旅英雄遺恨幾時平

出米巖在民安里八都店頭舖北數百步距縣三十

里巖邊有巨石一片號華蓋石相傳宋幼主駐此

石中一穴日出米以供扈從故名互見山川胡陳國

德輝懷古詩南來行國尚稱尊鬼護神輸總異聞

華蓋仍留山上石蒼林疑駐殿前軍殘碑篆蹟埋

秋草古湖泉聲咽暮雲反舍揮

戈何處是劃然長嘯對斜曛

寶蓋峯在出米巖前東畔峯巒聳秀宋幼主坐愛瑛涼曰此峯宛如寶蓋故名

御羅石在出米巖前有石五色斑斕相傳宋幼主宮人遺下羅巾化成故名

五議洞在出米巖後洞中兩石如床陸秀夫文天祥等五人常於此謀議中興故名

國朝林應龍
五臣姓字半遺志

洞裏籌謀喜對床一自龍髯
攀斷後雲山終古目蒼蒼

飲馬池在民安里出米巖山麓大可五六尺深僅尺許大旱不涸相傳宋幼主駐蹕時曾於此飲馬互

見山川

十二龍潭在北辰山距城東北二十五里祈雨多應
潭旁二瀑東鳴則風西鳴則雨互見山川

扳轅石在民安里九都小盈嶺前路傍朱子簿同安
時秩滿將云士民送至此扳轅不忍離鑄此以志
慕

次崖別業在獅子山普陀巖後距縣南四十里許巖
右稍上有一崖次崖明林希元構書舍次崖下故
學者稱曰次崖先生

棋局石在小巖石虎砦仙人井西南距縣六十里有
天然方石周二尺許鐫爲碁局中分一道鐫萬幾
分子路一局笑顏回十字已遭琢沒惟萬幾分回
四字尙完善可摹蓋宋印鈞磯手筆也踰局稍西
鈞石在焉互見山川

皇帝并在仁德里蘇營相傳唐宣宗到此掬飲因名
泉極甘釀酒淪茗俱佳經時不汲泉從石縫中出
大旱不涸

浴龍池在安仁十五都距縣七十里夕陽山上唐宣

宗曾浴於此詳見山川外紀

國朝蕭子均浴龍池觀瀑詩綠暗招提

護一邱構將春屐訪僧遊斷虹帶雨全歸寺古樹
凝烟半鎖稷龍去空池餘碧草瀑懸峭壁尙寒流
我來閒倚蒼茫立
一嘯殘陽沒嶺頭

龍門在積善莊坂尾距縣七十里巨石二片夾道如

門高四五丈有跡如魚頭上向者數十有龍門二

字刻於石相傳宋交天祥扶幼主自踏石至此所

書

三賢堂在文圃山宋楊志所建因唐謝脩南唐洪文

用宋石甃俱隱於此遂築堂以祀之今其址爲書

院詳見山川學校

仙洲一名海印卽太武山在翔風十七都浯洲嶼有
太武巖玉几案蘸月池眠雲石偃蓋松跨鼇石石
門關古石室蟹眼泉倒影塔千丈壁一覽亭十二
景士大夫多題詠

嘯臥亭在金門城南磐石之上明都督俞大猷平倭
後建極目東南一望無際爲備海要地石鐫金門
外谷神完賊舟泊誰有生還十三字不知爲何人
所題年月姓氏俱無可攷

嘉禾里在縣南海嶼廣袤五十餘里嘗產嘉禾一莖數穗故名

金交椅在嘉禾里溪邊社山頂宋幼主嘗登山坐此下有穴甚深黑相傳有刀劍之類里人入穴取歸夜輒現怪投還始息

官榮距塔頭社里許有大石壁立勒官榮二字筆勢蒼老可二尺餘相傳爲宋陸秀夫書

玉獅齋在廈門城內明里人池直夫讀書處有記仰園在廈門明季黃都事建有亭八面可望山海

國朝靖海侯施琅改爲滄墅今爲隆恩鋪

金雞亭在筭管港口相傳昔里人掘地得金雞因築亭其上故名

觀日臺在嘉禾嶼洪濟山憑高東望雞鳴時日如金輪從海底躍出殊爲奇觀

薛嶺唐薛沙所居一作薛令之其北陳黯居之豪竈金榜山皆黯讀書處詳見山川外紀

觀海堂在嘉禾里塔頭鄉明太常卿林宗載讀書處內有振衣岡濯足池一時士大夫宴游題詠其閒

蔡復一爲撰觀海堂平平編序

舒嘯亭在縣署後圃熙春亭在太師橋頭思波亭在東門外宋時建榕溪亭在邑東五里頌功亭在石澗喜雨亭在東嶽左爲令李春開建接待亭在十二都今俱廢西安亭在西安橋頭銘恩亭在嶺頭下明劉存德爲譚維鼎捍賊紀功甘露亭在嶺下

第宅

附

唐進士謝脩偕弟脩宅在文圃山下

南唐主簿洪文用隱處在文圃山下

宋丞相蘇頌宅在縣西北葫蘆山下

處土石蕘宅在文圃山下

太府少卿林棐宅在縣東名卿坊內

處士柯翰別業在縣治西北中有堂曰一經

宋朱熹一經堂

記紹興廿三年秋七月子來同安明年乃得柯君而與之遊相樂也時君以避地邑居授席百餘人屬予治學事因得引君以自助君行峻不爲苟合由是衆有所嚴憚至於他事亦多賴以濟焉又明年君將反其先人之廬因舊葺壞以居而取楊子所謂古之學者耕且養二年通一經者顏其寢居曰一經之堂聞謁子記之予謝涉學未久文且下將不能有所發明吾子之意願更屬可者如是非復一再至今年冬予將解吏以去而君又以爲請旣不得辭乃爲之言曰子聞古所謂學者非他耕

且養而已矣其不已乎經者何也曰將以格物而致其知也學始乎知惟格物足以致之知之至則意誠心正而大學之序推而達之無難矣若此者世亦徒知其從事於章句誦說之聞而不知所以然者固將以爲耕且養者資也夫豈用力於外哉何君名翰字國材爲人孝謹誠懇介然有以自守於經無不學今將隱矣而其志不自足如此是蓋將終身焉則其造詣之所極非予所敢量也古次比是說爲之記云

處士邱葵宅在小巖鐘山下

明靈壁令張日益訪邱鈞磯故居記同邑遵海

而南巨鳥錯列小巖於諸島若漚浮海上最渺也而五百鍾靈宋邱鈞磯先生獨產其上先生後朱考亭百餘年而道學獨祖考亭運當陽九敘德自全蓋自讀書論世知有先生久矣蔡虛臺公重修邑乘獨高先生之風而予居去先生一水不能詳言其遺宅故墟子病焉乃于季夏之八日戒小舟

約王茂才諸君詣小壘訪焉舟行而東過石虎
之前旋及懸崖崖下白沙數武有泉出沙之三石
閒瑩澈而甘卽泉郡志所載仙人井者於是緣崖
西南行多石或峭或圓有方石周幾尺許鐫爲象
馬嬉局而於中分一道則鐫萬幾分子路一肩笑
顏回十字已遭琢沒萬幾分及回四字完明可摹
草甚工蓋先生手筆云踰局步漸西則先生釣石
在焉從此東行半里許爲鐘山之南有寺曰章法
肇於宋而北則先生之所宅址不半畝黍秀離離
蓋自明高祖以倭故徙壘民一嶼皆墟成化初乃
復舊籍邱氏俱望鐘山之麓列屋而先生之舊址
竟廢予與諸君撫景低徊就先生之裔朝準君別
業休焉君因出所藏先生詩一編讀之先生之洞
天人徹性命觸發皆真而爲生人明大義爲天地
辨大分考亭統緒存以不墜則先生之功誠大矣
然先生之高蹤逸韻亦今而後知其詳則豈非有
數也哉旣歸釋楫遂記之萬歷四十年壬子季夏
望後三日後學張日益書於海雲館蔡獻臣詩一

卷突元水中閒遙想先生冰雪顏人擬柴桑真伯
仲詩追擊壤異閒關生當顏運身終隱志在遺經
手自刪爲問百年歸骨
處後昆指點淚痕斑

明僉事林希元宅在坊東嶽保塔山下

侍郎洪朝選宅在翔風里柏埭

尙書陳道基宅在積善里鼎美鄉

光祿少卿蔡獻臣宅在南門內中有讀書樓

蔡獻臣讀書樓

詩藏書成小閣咫尺傍萱庭侵曉迎初旭當峯送
遠青閒來親卷帙喀爾付沈冥兒輩慵成癖誰堪
詔一經又尺地難容構危樓起屋西疎窓城析入
隔幔漢星低膏續書堪把衾寒夢不迷紅夷消息

好傾耳

罷霜聲

吏科陳昌文宅在浯洲古區

知府陳健宅在北門內

憲副陳基虞宅在大西門內

編修許獬宅在浯洲太武山下後徙城內東市後
經略蔡復一宅在城內北鎮廟邊中有貞素堂

禮部池顯方宅在慈汀保晃巖右盤谷

同知吳慎宅在城內東市卽今耘書書屋

國朝編修陳夢球宅在古溪

冢墓

附

唐侍御薛令之墓在廈島下張社前

處士陳黯墓在廈島東山社前

宋太常少卿宋宜墓在香山東

安撫使黃萬頃墓在同山五顯宮鄉後

大理寺石磨墓在高浦白鶴山

進士石亘墓在鴻漸山桂林鄉

運使曾諤宣議曾壽墓在積善十七都角尾

少卿林斐墓在佛嶺孤嶺山

咸安郡王趙叔霽墓在同禾里龍湫後壠山

賓正葉伯源墓在西山尖峯攢族如火星者五號五

火煉丹

葉郡馬墓在佛嶺孤卿山右去三百餘步爲子春卿

墓

承事郎陳彬墓在浯洲東店湖邊地東北

承事郎陳大燦墓在浯洲山柄鄉號美女梳妝

府志
舊縣

志俱作陳

逢墓誤

知府曾祕墓在同禾里曾溪鄉

知縣薛舜俞墓在廈島菴兜社內

進士陳懋墓在浯洲黃龍山背

主簿方士端墓在同禾里銅鑼山

鄉賢兩科太守王南一墓在感化里汀溪洪坑嶺鷄

菴山

先儒許升墓在西安橋南大路側

明劉汝楠重修宋儒許存齋先生墓

道碑宋儒許存齋先生晦翁先生之高弟也墓在

縣西安橋之西相傳為翁守漳時過同安所卜地

也歲徂就騫榛蕪不治而墓域之南壓於流沙滄

於居肆觀者病之嘉靖甲申督學副使邵公鏡便

道瞻謁命有司經其堦墜繞以垣墉癸丑督學副

使朱公衡行縣諸生裔孫純道等以反墓域侵地

為言下有司勘奪未報巡按御史趙公孔昭吉公

澄分巡僉事汪公伯盛公唐相次下其事於縣有

可今歲春邑令徐侯宗奭承檄追之得所反侵
自瑩域以至於溪澗南北各十餘丈東西如之侯
於是是有功於名教矣夫秉彝好德人心所同而崇
德報功爲人後者之所不能以已先生饗食森祠
爲濟先正觀風承流如諸君子宜其有以處也索
余文以紀其事者純道偕其從弟姪諸生垂芳居
正也嘉靖三十六年丁巳長至日後學劉汝楠南
郭氏撰洪朝選芳洲氏書國朝知縣朱奇珍禁
約爲敬衛昔賢之邱隴嚴禁孔道之毀傷事蓋聞
古君子生而有益于人鄉先生沒而可祭于社爲
教是亦爲政立德豈減立功雖冷爾御風常遊乾
坤之表而翩然被髮必下桑梓之間過墓思哀警
心在目况雉牆密邇有司易以稽查而馬鬣高封
國人素所矜式宜勿剪而勿伐使是經而是程宋
儒許順之先生當紫陽涖邑之初卽絳帳執經之
始物欲淨盡海濶天空問答周詳條分縷晰從建
陽以卒業道岸誕登記存齋而贈言龜朋是益撰
文致祭恍惚喪予之嗟配享同祠依稀函丈之素

樹風雨已看木拱成楨樵採無聞踐履曷慮乃以
年歷五百晨昏閉幽室之夔夔更緣路近衙衙來
往飛紅塵之滾滾始焉行人所爰終且築室成居
貿易誼譁賣菜傭排列筐筥輪蹄蹂躪執鞭土紮
雜驢騾背負肩挑止息其土濁泥汚土推積在傍
潛闥成寢訛之區高碑爲架擱之所雖葬日喪無
鳥集過此并少鳥飛豈當時卜是牛眠于今果多
牛喘地蹠蹠而皮爛何論山衣瑩銷磨而頭童不
關鹿觸如此驚長眠之曉何以妥不敝之神本縣
簿書餘暇圖志聿考繼朱夫子之治敢日能賢聞
許先生之風願爲私淑深情烏鳥指日回家薄禮
特牲虔誠謁墓疑考亭衣鉢必有汲郡蝌蚪之書
奈附邑村墟無殊田文狐兔之淚合行飭禁以便
凜遵所有前項摧殘必務尅期改革近市識貴賤
之價先哲應無陋居高山與景仰之思鄉人想必
皆好如有故
犯重究不饒

先儒王力行墓在同禾窰尾後田壩

國朝知縣朱奇珍禁約爲特

崇名賢謹護潛闈事照得圖輿有志陵塚必書蓋生奠厥居君子之閭有式而死表於道賢人之墓宜封神如水在地中魂魄猶應戀此愛彼人舍棠下翦伐皆曰無之有宋名儒王近思先王銀邑名賢考亭高弟爲學切問隱助制行於命名尊聞行知常得願學之真趣當年傳授支派總寫成圖此日亭祀春秋旁參一座旣爲文公許可允是學士典型祭獻宜修墳塋必肅本縣躬親造謁意切吁嗟夫僧塔梵龕行人猶多禮拜斷碑荒塚甲客尙爲徘徊况乎有道游魂於此棲息先賢蛻骨在斯斂藏縱使人遠風遙非復墮淚之處何至世媮俗壞不如下馬之陵爲此示禁遠近人民知悉草滿青邱求牧與芻而不得庭開黃壤築場爲圖焉取斯地脈不許傷殘壙室尤禁踐履除前不究此後必嚴尙有故違定行重究如謂本縣促裝伊邇或少長鞭試看爾民犯禁如飴決遭繫縛也慎之慎

之無貽
後悔

舉童子科洪真惠墓在十三都金山麓

武安侯蘇益墓在蘇坑

校勘洪敦仁墓在翔風十三都金山頂

縣合劉璠墓在歸德里營邊山

璠江西人任同安縣卒葬於此

處士邱葵墓在小巖嶼

明張日益云先生子孫耕隴得一穴探之則先生墳自書

孰爲
記

明知州陳顯墓在浯洲東洲

知縣王中墓在仁德里洪嶺山

知縣葉伯溫墓在寶蓋山鳳髻嶺宋恭人墳右
進士葉暘墓在東嶽井仔頭

進士陳宇庸墓在苧溪橋王家山

封員外李德宗墓在歸德里湖井崎山

員外郎李賢祐墓在歸德里朱埧山佛宅

贈通政使張益初墓在浯洲青嶼石庭前

贈錦衣衛同知張太常墓在浯洲青嶼石庭前

郎中周源墓在安仁里十六都草市

同知吳慎墓在仁德里豪山埔

監丞林啓墓在縣西湖井

贈奉政大夫林應彬墓在長興梨山保儒巾石

贈文林郎葉鶴號陽軒墓在長興里桂潭尾

知縣葉錄墓在感化廣壽院

知縣葉蕩墓在苧溪舖

贈文林郎周一朴墓在長興里塘邊中山仔

知府黃偉墓在浯洲汶水頭山

知縣周英墓在長興里黃山

贈奉政大夫林聰明墓在感化盧嶺

希林希元墓在從順坑內

國朝高日聰墓碑余
欽承 簡命視學八閩

仰體 國家崇德褒賢至意凡所履輒求其鄉名
哲故止冀慰瞻仰之私而次崖先生後裔貧弱特
甚至先人邱壠亦迷不知處所余走榜訪之得其
裔孫林淇芳稱乃祖次崖公以理學持祀祖墓在
從順坑內向因遷移遂致荒冷余讀其語暨同安
尹徐君名覲詳請之文益覺愴然因薄出俸錢令
其立石余惟先生忠誠經濟已足垂休奕代况存
疑一書窺斯道之堂奧實堪羽翼經傳雖西山衍
義文定春秋何以加茲余謂即起先生從祀恩置
守塚亦非過典奈何都不可得而窺窆荒涼墓槐
寂寞一至於此良足感也昔溫庭筠過陳琳之墓
憑弔慷慨作詩歌以紀其事矧余于先生能默默
已哉因爲之記知縣朱奇珍禁約爲特設墳塋之
禁以崇理學之儒事蓋聞生正人而歿明神雖云
萬古不死魂升天而魄入地不免一抔長乾不封
不樹之前莫問中野如堂如坊而後宜護安臺凡

過墟者思哀矧遇賢焉必式思人乃樹南國歌棠
慕德觀碑峴山墜淚惟柳下禁五十步之樵採庶
雍門免千萬歲之愴悽明儒林次崖先生麝浦鍾
靈風里毓秀八條新政進藥石之格言三理法司
間豺狼於當道滇逆褫魄闔豎落權凡其坐言起
行皆本讀書窮理存疑箋註闡往聖之心傳考古
類鈔示後賢以手援固宜學宮俎豆千秋馨香尙
惜勝代碑坊八字淪沒而草莽林麓之處乃杖屨
衣冠所藏看守無人變遷異狀啼鷓鴣而走麋鹿
已非馬帳高懸生梅棘而長松楸空說漆燈暗照
加以牛羊踐履谷斤往來蹂躪徧於邱陵毀傷及
乎薪木蕭條秋草無復書帶之榮冷落暮烟不堪
逢賴之象侮慢先哲罪莫大焉損傷佳城罰難寬
矣本縣忝莅斯土恭謁是瑩杯酒奠誠不啻親聆
當年之警欵大號渙汗尙期其愛佳氣之鬱蔥倘
有牧豎樵夫仍前翦伐如或土豪地棍向後戕傷
一經告發訪聞卽刻拘提究擬莫謂盜其杯土韃
比長陵當思置彼萬家卽賴仁里爲此禁飭各宜

凜遵

員外郎謝崑墓在感化牛肚壠

贈奉直大夫陳禎墓在翔風里浦邊黃龍山上覆堂
知府陳健墓在長興里後蕭

運同王佐墓在苧溪白鬚公崙

副使楊逢春墓在同禾里洪塘

提學劉汝楠墓在歸德馬坑

贈侍郎洪毅賓墓在翔風里十三都崎壁石

進士許福墓在浯洲金門官內

都堂傅鎮墓在嘉禾里金榜山吳村

知縣吳德范墓在仁德石礪山

知縣陳溫墓在浯洲湖山鄉

知府許大來墓在浯洲後林山

通判贈參政蔡宗德墓在浯洲戴洋山

知縣許贇墓在翔風里前山

贈中憲大夫陳櫛墓在長興加塘嶺頂

封侍郎洪溱墓在仁德五礁

侍郎洪朝選墓在翔風里十都東園

封御史劉恭墓在長興寨仔山

副使劉存德墓在太師橋東

封中憲大夫李晏墓在從順蔡塘

知府李春芳墓在從順石獅港橋北張厝山

主事許廷用墓在浯洲山竈

封郎中王濟墓在長興中山仔

知府王三接墓在從順石獅港吳村

知府蔡煥墓在從順里四九圳

主事林叢槐墓在石澳保姑院內

同安縣志 卷之十二
封按察洪真源墓在民安八都崑嶺象山

廉使洪邦光墓在從順石龜草塘

郎中李文簡墓在積善山邊上宅社

知府郭夢得墓在松柏嶺尾坑

進士張鳳徵墓在感化林嶺內

封太常池宗寶墓在廈門北門外魁星石下左三百
步孫舉人顯亮墓

封太常池楊墓在廈門陽臺山

太常池浴德墓在廈門鳳凰山

推官莊有臨墓在磁竈劉山前有戲珠石

贈奉直大夫陳甫吉墓在同禾里靜隱院

贈奉政大夫陳甫烈墓在長興施山

憲副陳基虞墓在十二都山後鄭

知州陳榮祖墓在同禾和祥山

光祿寺署丞贈文林郎陳士烜墓在歸德潘坑崑山

贈禮部主事蔡宗道墓在浯洲平林鄉

按察蔡貴易墓在民安董水橋北西山

國子監博士黃良弼墓在同山五顯宮村上

參政葉明元墓在縣南賈厝後

給事李獻可墓在翔風十四都樓山

封參政林湍墓在從順石鼓山仙腳石下

參政林一材墓在安仁湖井尾

知縣莊量墓在同禾龍鬚郭坑

太僕卿黃文炳墓在梅埔

布衣黃文炤墓在長興里二都詩山護壠上

知州郭日烜墓在九躍山南斗

同知陳選墓在同禾蘇厝鄉

知府張錫墓在積善堂齋堂社後

知縣蔡用明墓在長興金山

贈參議大夫王三錫墓在同禾東溪頭

憲副王道顯墓在虎岫林

封中憲大夫陳廷佐墓在歸德周溪會營埔

知府胡明佐墓在積善大乾山

知州陳一經墓在感化慈相

贈禮部蔡希旦墓在浯洲庵前鄉

贈參政蔡宜勳墓在浯洲徑林

布政蔡守愚墓在翔風十九都湖南鄉

提學蔡獻臣墓在前街後山

贈大中大夫柯梓墓在西埔爐山

運使柯鳳翔墓在仁德磁窰

憲副陳基虞封塋在感化古坑

知縣張繼桂墓在東園崎山

畱守司正斷事郭修墓在苧溪第一山

通判郭復泰墓在竹埧龜仔山

憲副劉夢松墓在感化慈相山

卹刑陳士蘭墓在店前神山

知縣陳則采墓在嘉禾巖後

經略蔡復一墓在沙溪小盈嶺南

明池顯方詩高天
雷肅氣危石讓孤

貞肺肅貞男子光明一斗精衆人憐爾後
聖主易其名下拜松風切如聞警歎聲

副使林應翔墓在安嶺塘仔後

長史李惠賓墓在感化田厝溪心

巡撫張廷拱墓在感化大嶺山

編修許獬墓在翔風十九都山前鄉

知縣洪觀光墓在十三都石堂

副使陳沃心墓在廿四都上張埔

知縣陳士銓墓在歸德里林窰鄉金鐘崙古之胡

陳知縣封塋在民安里董水橋萬豐莊號青蛇拜蟻

松

知州蔡潛墓在翔風十八都高坑鄉

參政洪纖若墓在歸德林嶺

知府林道推墓在感化里蘆嶺土寨山

知縣郭貴德墓在從順里圳岸

封同知蘇震亨墓在感化溪東鄉

同知蘇國翰墓在蘇厝鄉

知縣郭沂墓在長興里楊溪林口

封承德郎郭榜墓在馬壠山

贈奉政大夫周宗儒墓在感化里澳內大中寨

吏部郎中周家椿墓在溪東鄉尾洋崙

參政林一柱墓在西塘虎林埔

封中憲大夫康若山墓在豪嶺社後杜生崙

知縣王廷蓋墓在九躍山

知府康爾蘊墓在亭溪內官寨獅頭崙

知府林龍采墓在古坑

同知池顯京墓在嘉禾官兜巖後山

憲副劉夢潮墓在從順院前山

巡按盧經墓在仁德板橋會厝山

封刑部主事黃梁甫墓在浯洲英坑

參議蘇寅賓墓在感化汀溪

封御史張原友墓在大西山東麓楊厝埔崙

贈行人張景瑤墓在大西山波陽俗名七星墜地

封行人張學鄒墓在從順里草塘

行人張煒墓在歸德里白沙窟

大理寺丞葉成章墓在感化大嶺山

太常林宗載墓在嘉禾二十二都燈山倉

知州陳如松墓在從順西浦朴珩

贈文林郎陳正墓在後鄭

吏科陳昌文墓在長興北頭山頭鄉

知縣陳文瑞墓在苧溪巨頭山

承德郎陳應相墓在歸德蔡宅祈雨山後

刑部員外陳瑞墓在感化土地嶺楓仔林埔地

進士林志遠墓在感化山兜山

同知林炳墓在蓮花山牛心湖

禮部池顯方墓在慈汀保盤谷內

贈奉政大夫蔡潛毓墓在浯洲十七都姑坑鄉

禮科蔡國光墓在翔風十八都前尾鄉

封御史郭維豐墓在廈門虎仔山後施厝前

殉節教諭陳鼎墓在安撫隔仔內槲崙

推官張瑾墓在歸德湖井

御史郭貞一墓在半嶺慈相仙宮崙

通判郭守一墓在后廚和尚山

封推官劉霖壬墓在歸德馬坑

國朝崇祀鄉賢知縣陳觀泰墓在仁德里崙上百福

山

推官李其蔚墓在積善浦頭前山

推官劉望齡墓在東門外洞邊山六角亭下

知縣劉仝齡墓在感化五老山

尸部陳睿思墓在歸德里寶鎮山

封編封陳永華墓在仁德廈店

封榮祿大天施俊墓在盧山頭

總兵官施應元墓在小盈嶺大路上

編修陳夢球墓在將軍山高厝崙

封文林郎葉壽晟墓在歸德里西山中崙

知縣葉心朝墓在安磔保小平洋虎峒崙

封知縣洪家玉墓在浯洲董林鄉北山

贈同知池其繩墓在慈汀保端山

贈同知池文煜墓在慈汀保寨仔後池仔內山

贈武功大夫陳明訓墓在感化里五路亭

同知池繼善墓在慈汀保昇巖左

知縣洪淳瑛墓在石船山第一分大湖

翰林許琰墓在板橋南風院後

進士蘇遂墓在同禾六都東村山

進士邵天球墓在大西山巖前崙吞

贈中憲大夫累贈武功大夫高文珩暨妻魏氏墓在

從順里坑樸松柏林鄉

贈奉直大夫高奇聰墓在長興里北山院仔後崙

贈奉直大夫高育茂墓在民安里金牌寨邊雞心崙

贈驃騎將軍胡馨墓在吳倉鳳巖

贈驃騎將軍胡子晉墓在吳倉鳳巖

贈驃騎將軍胡士宗墓在顧厝鄉

提督軍門胡貴墓在廈島洪山柄

贈懷遠將軍高信墓在浦南

封懷遠將軍高國良墓在鍾宅

遊擊高英墓在劉五店下店山

贈榮祿大夫吳維宰墓在同禾里后行保后郭

贈懷遠將軍累贈榮祿大夫吳珍賢墓在民安里十

御香山

封懷遠將軍累贈榮祿大夫吳喙斯墓在長興甲後
壠保蚌塘鄉墓山邊

提督吳必達墓在民安里馬家巷

贈榮祿大夫林士墓在井頭鄉大墓邊

贈文林郎郭應聘墓在感化里銅鉢巖中崙

贈榮祿大夫林周斐墓在井頭鄉西墓

贈榮祿大夫林國護墓在井頭鄉西墓

提督軍門林君陞墓在井頭鄉西邊

贈標騎將軍魏達政墓在十三都宋洋頭

贈標騎將軍魏玉元墓在爐前鄉印斗石下

總兵官魏國泰墓在同禾七都詩坂山原

總兵蔡攀龍墓在金門太武山

贈文林郎蘇文言墓在積善里仙山

知州蘇尙斌墓在安仁里深青大埔崙

贈武翼都尉楊秉信墓在從順里康厝觀音山

封武翼都尉楊平佐墓在人符里白虎巖

贈武翼都尉楊從嵐墓在安仁里英山下

封修職佐郎楊從岳墓在安仁里大東山

左都督高淳泳墓在同禾里歐行保郭境後巖山下
知縣莊明呈墓在壽石巖端平崙

分發知縣莊光前墓在嶺亭保上寮籠仔

按墓制載在 曾典職官一品塋地九十步二品

八十步三品七十步四品六十步五品五十步六

品四十步七品以下二十步皆從塋心發步各數

至邊庶人塋地九步穿心十八步雖卜葬者或紕

於財或限於地亦有不盡符步數者而苟如其制

則不容他人侵佔也明矣況先賢祠宇墳墓屢奉
恩卹着地方官保護勿致致傷奈世人輒惑於風水
有豪悍者見人子孫式微卽謀鬻其先人邱壠以
爲已祖父之墳尤甚者恃強兼并設計侵漁以致
頻年許訟故舊志所載第宅寥寥而於塚墓獨夥
今採輯者又從而請益焉蓋誠遠慮深思欲藉此
爲左券之握俾豪強者知所警心有墓之子孫亦
知所孝感也竊思正簡存齋近思鈞磯次崖諸公
之所窆固墓以人傳矣而其中有品不必卓犖爵

不必顯榮亦得附於此編以垂永久雖謂人以墓
傳也亦奚不可哉

爲左券之握俾豪強者知所懲息有莫之子孫亦

軒此衣奚不可哉

正朔存者近思鈞錄次崖諸公

不必懸榮衣軒此衣以垂來人觀瞻人以異

坊表

邑之有坊表也自宋丞相蘇公始厥後紫陽過化爰立朱子舊治坊明以來屢有建豎其間或以位或以名或以壽俾千百載下邠華表而知當年之盛事以視夫銘鐘勒鼎歷久不磨者將毋同志坊表

丞相坊在朝天門南轉爲宋蘇頌立舊名榮義朱子改今名明成化十五年知縣張遜重建

朱子舊治坊縣志舊爲宣化坊明知縣劉裳改是名

名卿坊在前街爲宋林棐立今廢築隘門號東關名

卿隘

兩科太守坊在縣治內宋紹定二年爲王南一擢兩
科除漳州太守立存

仁壽坊

榮春坊在東門外

龍津坊

激揚坊

振肅坊俱在舊按察司

平政坊親民坊在縣前

貞肅坊風紀坊俱在舊按察司前

興賢坊儒材坊黃甲坊青雲俊彥坊俱在儒學前

同民安坊

在小盈嶺上爲南同交界之處宋紹興甲戌朱熹建立以補嶺缺雍正甲寅地區字

現存乾隆戊子茂才林應龍黃河清等呈請倡捐仍就坊蹟建造關隘

福星坊

初名魁星

在西市巷嘉定閒爲許巨川立

進士坊在大西門外爲明永樂甲辰科李賢祐立

忠義坊在縣治西爲明葉秉乾立

解元坊在東市街爲成化丙午舉人林啓立

進士坊在東門內爲宏治庚戌進士張定立

奕世科第坊在舊察院右爲宏治庚戌進士張定張

鳳徵張繼桂舉人張宜張文錄張日益立

鵬起南溟坊在東橋爲宏治壬子舉人陳華玖立

攀龍坊在東街爲明宏治乙卯舉人呂用立

攀桂坊在舖後爲宏治戊午舉人葉蕩立

籟雲坊

登成坊

龍門坊在南門外溪邊保今坊廢而名猶存

從龍坊在

爲明正德丁卯舉人王綱立

登雲坊在東市爲正德丁卯舉人吳蘊立

奕美坊在東市爲明吳德莖立

伯仲聯芳坊在小西門內爲明進士謝昆舉人謝復

春立

解元坊在南街爲嘉靖戊子舉人劉汝楠立

少卿坊在嶺下爲明光祿少卿張暉立

三吳持斧兩越揚旌坊在東橋頭爲明副使劉存德

立 以上廢

代巡三省侍御兩京坊在廈門吳倉社爲操江傅鎮

立

大中丞坊在廈門城爲明傅鎮立

銀臺進士坊在浯洲青嶼爲張苗張定父子立

褒忠坊在浯洲青嶼爲御馬監張敏立

岳伯坊在北門內爲明嘉靖丙戌進士陳健立

御史中丞坊在東門內爲嘉靖都御史洪朝選立

尚義坊在圭東保甌籠山下爲郭尙彥立

鳳山鍾秀坊在嶺後爲成化舉人洪敏立

太卿坊在銅魚橋頭爲明通政使張苗立

進士坊登庸坊清風可師坊俱在縣前街爲明進士

周源立清風坊存

文宗廷尉坊在嶺後爲明正德丁丑提學僉事林希

元立

丁卯地重修
名理學名宦

天官名卿坊在廈門爲嘉靖進士池浴德立

績光銅柱坊在溪頭鄉爲國朝靖海侯施琅立

澤普天南坊在廈門鎮南關爲靖海侯施琅立

勳崇山海
澤浦軍民坊在廈門崎嶺爲威路將軍吳英立

勳高大樹坊在廈門崎嶇爲靖海侯施琅水師提督
澤沛日棠

施世驃父子立以上俱存

急公尙義坊在嶺頭塔下爲國朝奉直大夫高以

彰立

樂善好施坊在嶺頭塔下爲奉直大夫高以彰歲貢
生高有繼父子立

昇平人瑞坊在同禾六都沈井爲國朝陳士珍立

一在感化里隘頭爲國朝劉攀龍立

貞壽坊在縣治葫蘆山前爲國朝贈奉直大夫

高育茂妻 封太宜人洪氏立

一在嶺頭塔下爲 國朝鄭旭妻許氏立

一在安仁里安民爲 國朝鄉賓林瑩三妻黃氏

立

節孝坊在舖前街爲明通判蔡宗德妻楊氏立

一在廈門爲明池宗寶妻鄭氏立

一在東嶽路右爲生員吳恭妻康氏立

一在北門內爲康氏立廢

一在西山爲吳氏立廢

節孝坊在廈化里慈江保雙材山爲 國朝生員黃

佐賢妻柯氏立

坊建在節婦柯氏墓前

一在廈門西邊社爲 國朝池源珍妻楊氏立

一在亭溪橋西爲黃忠妻蔡氏立

一在積善里錦宅鄉爲黃日旭妻王氏立

一在感化里隘頭鄉爲劉世輔妻顏氏立

一在同禾里三忠宮爲陳元濠妻劉氏立

一在積善里爲李彥登妻葉氏立

一在積善里雷塘保爲陳門妯娌朱氏李氏立

一在安仁里灌口大路堞爲生員王登泰妻張氏立

一在北門內爲汪德行妻葉氏立

一在西門內爲余脩傳妻王氏立

一在積善里湯溪橋頭爲蔡健妻柯氏立

一在安仁里安民爲林贊育妻杜氏立

一在五顯宮第一橋頭爲鄭文貞妻楊氏立

同安縣志卷之十二終

同安縣志卷之十三

灾祥

鷓飛石隕紀異也麟遊鳳鳴誌瑞也依古以來
休咎之徵屢見於史同之灾祥唐宋以前闕焉
莫考元明以後備錄於編欲其遇灾知懼和氣
致祥耳志灾祥

元至正二十六年七月丙辰大雷雨三秀山

明成化二十一年自春徂夏積雨連月田廬禾稼多

壞

正德十三年粟一莖五穗

十六年大有年

正德末年多虎患

嘉靖七年八月初九日夜大風拔木發屋至初十日
曉雨下如注風乃止

十一年壬辰春雨雪同安地溫無雪故老皆以爲瑞
次年癸巳大熟惟荔枝龍眼枝葉憔悴乃知此果

宜溫

十五年丙申十六年丁酉久旱大飢民多流殍

十七年甘露降凝木末如飴人爭採之御史李元陽
奏進薦之太廟是後十九二十二十一年俱有年
二十一年五月十三日將晡時海中氣蒸如霧有斷
虹飲海而起日下赤雲夾擁南飛至夜颶風大作
飛瓦拔木榕樹連數抱者俱絕根而仆百歲人所
未嘗覩云

十三年甲辰二十四年乙巳相繼旱灾斗米至二
百餘錢及潮民通糴穀賤斗米僅鬻錢三十文一
時存活愈於豐稔

同安縣志 卷之二十三
二十六丁未七月初九日夜大雨達旦溪流泛漲
城不沒者三版識者曰水兵象也是冬安溪流賊
百餘人突至多所殺掠

三十二年縣西郭氏宅產芝一本甚奇人爭往觀

三十六年冬訛言有馬精其來也見火星墮地婦人

犯之輒昏仆以桃柳枝鞭之乃甦否則死縣境戶

懸桃柳夜則聚婦女露坐男子環守之鳴鑼鼓達

旦令徐宗頤諭禁不能止會有黃冠鬻符於廟命

曰此必爲祟者捕而訊之搜其囊果得所爲火星

以硫磺和樟腦爲丸置火其中裹以濕紙殿之則
熾衆始釋然而妖遂絕

三十七年三月十二日大雨雹鴻漸山石墜自五月
至十一月大荒疫四十四年三月二十七日疾風
雷雨方未時忽昏如夜咫尺不辨行人阻駭至申
盡乃稍開霽

隆慶四年有靈芝一莖紺色金圈產於東山

萬歷七年己卯大旱蝗饑饉六月乃雨

八年庚辰大歉

九年辛巳五月初三日長興從順蛟起大雨如注壞城舍溺人無數

二十二年甲午二月初八日雨黑水

二十四年丙申地生黑毛寸許類猪鬃

二十五年丁酉正月大雨雹二月初十日又雨雹大者如鷄卵破瓦傷稼澳頭沿海一帶尤其又有黑雲一片如簸箕大自縣中出南城而去所過屋瓦俱動至劉五店尤其

三十一年癸卯八月初五日颶風大作潮湧數丈沿

海民居域田漂沒甚衆船有泊於庭院者泗洲幾
爲巨浸董水石梁漂折二十餘閒是日漳泉販呂
宋者數萬人駢首爲番僧所殺此殆其沴云

三十二年甲辰十一月初九日酉時地大震其聲如
雷城郭廬舍多傾頽地有裂開丈許泥水溢出者
踰月乃止

三十二年甲辰有年

三十八年己酉有年

三十九年庚戌有年

同安縣志 卷之十三
三十九年六月有大星尾若彗照地有光隕於南方
六小星隨之其聲如雷

四十六年三月庚辰大雨雹

四十七年諸生陳文瑞葬父墓土甫竣墳堆忽產靈
芝一莖越年文瑞登第

四十七年三月二十一日卯刻天色忽晦有物從長
泰之萬丈潭起大雨雹隨之其一經邑之海豐滄
尾下崎馬巷至香山其一經豪嶺亭溪至西山食
頃乃止雹大如盪擊斃人畜甚夥松柏皆去皮而

枯

崇禎十二年元旦城南火

十三年正月初七夜雨豆扁而細或黑或黃里民有
掃之盈升者

十六年紅雨降於從順里西塘張玠家色如朱是年
玠領鄉薦

國朝順治十一年甲午十二月浚洩及五蘆山後忽
地中有烟冲起其氣逼人三日不散泉湧如血人
皆以爲異或曰此縣治龍脉所經也

十三年丙申正月十六日大雪深尺許時馬總兵興
役築城民苦寒

康熙元年壬寅大磬人見海中有面魚立於波上
見人笑而沒越明年遷界

三年甲辰安柄有人晨起見巨蛇有角以角挂荔樹
中偏反如鞦韆狀驚走未數日而蛟見大水壞廬
舍漂人畜無算

五年有虎患小盈新塘大路行人多爲所噬

五年丙午松田陳氏宅產靈芝是年陳睿思舉於

明年登第

五年丙午六年丁未俱有年先是乙巳以前大歉老
稚多流殍者忽東山石上微露字形曰天太平丙
午人不解其意至此有年乃知豐年之兆也

七年八月洪水湮壞人居禾苗漂沒

十九年米騰貴每斗價六錢

二十年秋大旱禾盡稿

二十一年七月中夜有大星十餘各曳長尾其色慘
澹從西南入於箕尾分野

二十四年有兩虎鬪於三秀山頭俱斃

二十五年甘露降凝木永松柏尤多人爭採爲餉公車北上者多以此爲贈遺

三十六年三月蟲生遍野食五穀

三十七年戊寅四月廿八晚大雨如注諸山多崩夜深水漲數丈船挂樹梢橋梁衝壞西門城崩民居漂沒數千家死者千餘人

西十六年六月十一夜洪水

西十六年蓮花山石裂聲如雷

四十八年八月初一日辰刻昏黑如有人行有馬

四十九年庚寅大歉

五十年六月地震棟宇幾傾七月又大震

五十二年夏大水

雍正二年甲辰八月五方浦陳氏宅產靈芝五莖紺
色金圍是歲里人許琰盧家椿同領鄉薦至丙午
原地復生光彩逾常越春許琰登第選庶常

六年戊申秋旱

十一年癸五六月廿二日蛟見大雨如注雙溪水暴

澗東溪尤甚死人從城堞流入廬舍漂沒無數橋
梁傾圮甚多

十一年十月浯洲歐壠湖中忽浮一小渚高四尺許
濶丈餘長十餘丈形如鯉魚四旁水深洞不可測
相傳萬歷閒是湖鳴沸三日夜里人林鈺生後鈺
登探花拜東閣大學士

乾隆元年丙辰九月初十日如入有星自西方墜
初青白色後變紅半時始滅

一年丁巳葫蘆山一帶地生珠如綠豆大邑令唐孝

本夢有出珠之水可洗淤之句因築雙溪堤岸疏濬沙泥民賴其利

三年戊午九月虎頭山鳴兩日夜其聲如雷不數日鄉試榜發邑中獲雋者八人副榜二人國朝以來是科最盛

六年辛酉從順里西浦村有靈芝一莖紫色金圍產於籬中是歲里人陳應瑞登賢書人謂其名有先兆云

七年春大旱邑令李芬禱雨不得乃縛生牲齎像旱

魁斬之大雨立至明曾異撰詩有所謂焚狼豬之
句蓋古有是法後人師其事亦時驗云

八年秋有海豚二自泗洲港溯溪流二十餘里至東
莊潭止一浮一沉謂之拜風蓋颶將起則現

十一年三月黑蟲食麥岳口一帶蔓延十餘里邑令
張荃督民捕之計數給賞三日內獲蟲三十餘石
終未能盡乃偕同城各官禱於義娘廟是日天大
雷電以風夜半大雨如注達旦蟲無遺種是歲麥

大熟

十三年六月十五日東門外劉天眷宅產芝草長五寸旁一小芽五色絢爛有金線繞之八月二十五日仁德里苧溪璇琳院前產芝草一幹九莖圍可尺許

十四年三月初十日璇琳院復茁芝一本九月又一本皆在原處

十六年辛未春大雪是歲五穀豐稔

十七年七月初七夜大風初八日大水各澳港艤泊大小船有衝至陸地者連抱六木俱各壞廬舍

無數

十八年大疫

十九年四月十八日大水五峯西源一帶溪多浮尸
閏四月初六日復大水學署幾淹

二十二年蟲食禾苗歲六歉

二十五年五月大水壞四廬

三十五年六月大水

三十六年正月初六夜西驛保火災延燒店屋五百

餘閒

三十八年大有年

三十九年春旱

四十五年六月廿八日大水

四十六年春旱五月十八日大水歲歉

五十二年歲旱大歉

五十三年大疫米騰貴

五十五年六月大水

五十七年感化里五峯澳內一帶禾苗變蔥不能結

續歲歉五十八年禾苗復變蔥

五十九年八月大水壞出廬

南楚

六十年三月四月米騰貴五月每斗價八百文民多
流殍六月早稻大豐米價平減

嘉慶四年四月初十夜蛟見大雨如注雙溪水暴漲
幾浸城版至十一日巳刻水始退壞廬舍漂人畜
無數橋梁多圯百歲老人所未嘗覩云

卹政

書曰不廢困窮詩云哀此勞獨蓋常平社倉之設原以卹貧乏周孤寡也我

朝湛恩廣被薄海內外咸沐深仁偶有偏災卽行賑卹加惠亦孔厚矣若夫普濟存卹以及漏澤園同歸所皆欲使邑之疲癯殘疾枯骨幽魂各有依歸以爲里黨之好行其德者勸志卹政

倉儲

縣常平倉在縣西后蘆康廬三十七石古京李時熙

建七間雍正八年縣令蔣廷重建南燒計一

六間

箭道倉在縣堂西側雍正十一年縣令胡格建六

間乾隆五年縣令周岱建一十二間共一十八

間

計開

現貯穀石

官捐穀九百三十九石六斗

民捐穀五百八十二石二斗三升七合

舊捐監穀一萬三千九百八十二石四斗六升

新捐監穀一萬三千五百九十四石零五升六合

以上實存額穀二萬九千零九十八石三斗五升三合

未補舊監穀一千七百八十一石二斗

其實存併未補額穀三萬零八百七十九石五斗五升三合

社倉穀分發馬家巷下店灌日三角埕西浦新墟

隘頭大路尾洪塘仁風在城蓮花塔古大橋等

斗三批交各社長副收貯共穀七千五百八十四石

三石七斗一升七合九勺

以上俱知縣管理

廈門恒裕倉在廈港計八十間康熙四十二年始建
乾隆二十七年奉文再建四十二間

現貯穀石

官捐穀五千四百九十五石

舊捐監穀八萬一千九百四十石

新捐監穀六萬七千四百零四石五斗八升五合

六勺

江西穀一萬三千三百五十石二斗四升

臺屬監穀四萬四千零十石

截曠眷米易穀九百七十二石三斗八升六合八
勺

潮穀三百石

以上額穀共二十一萬三千四百七十二石二
斗一升二合四勺

社倉在二十一都昭塘保社二十二都長塔保社
二十三都仙蓮保社二十四都店蕭保社將軍

祠保社鼓浪嶼保社四社中袁厝墓社共貯社

穀四千三百八十四石五斗九升四合有奇

以上

俱屬同知管理

金門常平倉在署側計一座四間

現貯穀石

額貯常平穀三千石

社倉穀分發後浦古賢瓊山汶沙陽田倉湖古湖

劉浦大登烈嶼等處交各社長副收貯其穀五

百零一石二斗七合有奇

以上俱屬通判管理

舊倉

附

縣城舊預備倉康熙十九年知縣楊芳聲建倉
五所二十五年知縣徐名觀建倉三間俱在
縣署內雍正八年增修尋復廢

常平倉原在儒學南康熙三十七年圯於水

舊預備倉四東倉在佛子岡下西倉在縣西上
路南倉在縣堂左北倉在縣堂西今俱廢

嘉木所倉在中左所城內明洪武二十年建今

廢

高浦所倉在高浦城內明洪武二十年建今廢

金門所倉在金門城內明洪武二十年建今廢

儒學倉在縣學內明洪武年開設以貯官使師

生俸廩後徵本色改折邑倉遂廢

宋朱熹題
米倉壁詩

度量無私本至公寸心貪得意何窮
若教老子莊周見剖斗除衡付一空

養濟院

養濟院在縣東同禾里四都溪頭村計房舍三十一

間

存卹院

存卹院明成化間知縣張道鈞建於慶豐門夕衣巷
東門外計房舍五十二間順治十一年海氛城併
存卹俱毀移建於梵天寺口觀音佛刹之右舍如
舊

育嬰堂

育嬰堂在縣內後蘆 國初乾隆二年建共二十一
間置田租一十石一斗以資經費緣邑並無溺女
亦無棄孩未經開堂僱募乾隆十七年署縣令熊
定猷議將每年所收租穀畱貯縣倉以爲修理東

西溪岸之資通稟各憲批准

普濟堂在廈門鎮南關

觀察蔡琛碑記嘗聞不齊者生民之氣數轉移者用世之

權衡大畱缺陷則以人事爲之補救人有所危則求利濟而期得所西銘曰凡天下疲癯殘疾憫獨鰥寡皆吾兄弟之顛連而無告者推斯語也舉凡負氣之儔含生之類皆不忍視矧牧民者目擊皤皤白髮呱呱黃口無生之樂有死之哀猶能晏然已乎甲申秋杪予奉命調任興泉監司乘別弊之後首以去蠹除奸察吏安民爲務如是者行之期年尚禱不驚雀苻無聞出作人息人安恆業之常偶因祈禱雨澤行壅郊野見道旁有遺棄之嬰兒野外多未埋之齒髀而羸老孤貧又復乞隣號泣心竊怒焉傷之細求其故蓋廈門內接漳泉外達澎臺四方來往者實繁有徒一旦旅邸無衣非零落于陌路卽轉死於溝壑勢使然也而閩人習俗凡女子遭嫁夫家必計厚奩故生女之家每

斤斤於後日之誅求輒生而溺斃更或貧乏者村不能自存並生男而溺之余思天性寡恩大乖倫理異鄉失路誰切飢溺因與廈防黃司馬謀興普濟堂以代其養黃司馬告以廈門舊有育嬰堂一所規模初備係前署觀察今湖南廉鎮宮所建緣未置義產未治器具以致竟成虛設余首捐廉俸貯庫黃司馬見而欣悅亦同捐廉俸不數月閒聞風慕義者捐至伍千圓署廈防張司馬請置義產余以事聞於制府蘇公中丞莊公方伯錢公廉鎮余公均許其可於是新屋宇治器具定立規條慎重行之易其名曰普濟期事有所兼及惠有所並施也其大端或僱乳母以哺嬰孩或募老嫗以恤弱小或給口糧以養衰老或設醫藥以周貧病或施棺木以瘞旅亡或掩骸骨以免暴露俾少有所長老有所終生遂死安而已其細目則爲之立年限以定婚嫁隨寒暑以給衣食嚴內外以密防範別勤惰以分賞罰治膏腴以供經費選方正以司出納一年之用度幾何終歲之收養幾何堂有

書記官有冊籍班班可考庶幾期斯堂於不朽耳
非所謂生民不齊之數天畱缺陷之事將求利濟
而期得所者以行補救之術也哉維時其勸其事
者則有 提帥吳公臺灣總戎甘公觀察張公郡
守秦君興化守佟君泉州守陳君永春牧嘉君海
關司權彭君中衡參戎朱君署中衡遊戎金君廈
門司馬黃君建寧司馬張君金門別駕梁君莆田
王令仙遊胡令晉江方令惠安楊令南安靳令安
溪朱令同安吳令德化王令大田汪令與夫洪司
眾職各捐廉俸有差而鷺門之薦紳父老官司職
役尤懽忻鼓舞相樂輸而無吝色猗歟休哉何善
之所歸人有同好竟若斯之不謀而合捷如轉圜
者歟余因始其事志其行爲之刻石以紀其一石
紀官爵姓氏施與數目所以明不朽也又一石紀
批詳年月田畝錢糧所以垂永久也若夫林林總
總孳息彌蕃存活日益多經費日益廣俾斯堂之
得以常畱而不墜老少之永享剏賴而無窮
則俟夫後之君子余實有厚望焉是爲記

義塚

漏澤園在大輪山東舊在第一溪旁

長興山義塚在峯寮保陳欽寮

從順里義塚在杜橋左

同禾里義塚一在行軍塘邊一在石灣李舍埭上

民安里義塚在馬家巷鄉東邊

感化里義塚

一在第一山後
一在路下王羅山

一在西洋後坑仔
一在十班行後山

安仁里義塚在灌口鄉鳳山

仁德里義塚一在三脚榕一在盤窰鄉

積善里義塚一所一在狗林山等處一在高祖山西

南北三面處士李其復買置

翔風里義塚在十二都後寮嶽

嘉禾里義塚一所一在草仔安一在鎮南關

歸得里義塚一所一在杜塘上至鎗刀巷頭明陳基

虞捐置一在郊尾保牛壠頭葉娘子捨

西貢保大小溪義山泉州府知府張無咎捐建

同安縣知

縣李蘭記同之西山曰大溪亘數里爲小溪自鳳
尾石室而來孤星嵯峨望月險峻參差並峙莫可
端倪下成深溪有玉筋瀑布諸勝層巒疊翠幽壑
流碧土膏腴草豐秀可以樵可以葬厥初爲陳氏

絕產糧累通保爰公其業爲義山彼都人士旦巨
而伐之不封不樹喪葬無數其所由來者漸矣海
氛起版籍亂鄭伯攘而有之樵有抽葬有稅不義
孰甚鄭亡歸於藍藍提效其尤禍更炎藍獲罪變
價入官權蠹傅忠董其事吳世明者與忠爲私親
承買陳庫保藍山影射據占奪人草東成人墳墓
義山之名已漸滅不復問矣子承乏茲土訟而待
理者幾數人方有事於此適太守涖同發奸摘伏
捐清俸償部價俾復其舊待晨炊保枯骨者皆曰
微太守之力不及此夫東坡堤廬陵亭合浦池宏
農河皆賢太守所以垂不朽者然佳山勝水軼事
芳名僅供憑弔騁懷遊目俛仰畱連入人不堪深
而感人亦不甚切今日溪之上扶老攜幼薪之樵
之鬱鬱佳城子孫保之仁人之利溥哉太守其以
義爲利者歟太守爲誰張諱無咎號惕菴山東掖
縣人余忝作屬吏述道上口碑勒之於石以誌一
時之盛云

同歸所在梵天寺左

明林志遠碑記戊子年八月同安城陷凡在城者皆崩角而膏

白刃先是城未破礮矢相及死者亦無算于是僵尸盈衢朽齒蔽路三秀山僧無疑與悲憫心親裹拾而聚化之已復散埋之所收理以萬計屬永漂壞塵飛骸暴無疑乃復卜地城東北垆而許一龍捨地廣八丈餘長十三丈中畫五坎以藏骸灰築四週石覆其上負山挹溪枕庚趾甲在梵天寺左前里許巨信大師將赴溫陵道經輪山命其域曰同歸所立石以表之嗟夫生寄也死歸也釋其冤纏同趨解脫則無生無死還本而反始也亡者其尚無恫哉事始于庚寅七月三日畢工于八月念八日上自宰官下及負販各以願力施捨共成仁義邑人陶菴林志遠干其瘞也祭之以文并勒記

後垂諸

骷髏墳十一所永安臺在廈門鎖南關下大路邊有

碑

得安所在東門外第一橋塚下有碑訓導汪芷記
樂歸所在恭祀亭后塚中

同一所喜遇所丁財所義慮臺同會一處俱在大輪
山塚中

善樂所在長興里上峯厝
義安臺在東門外店仔尾塚中

欣喜地在輪山東關邊塚中貢生葉輔國僧願知收
造

同安縣志卷之十三終